


# LUSIKA LWA

## KELEKE YA TIYATIRA

 Cwale busihu boo luka. . . Lu si ka kena kale mwa lusika lwa keleke yetuna ye. . . Ni—Ni sepa kuli Mulena asululele Moya wa Hae faholimwa luna fela. . . mi alu fuyaule hape. Mi lukona fela ku ngunyuta fa lika za butokwa cwale kakuli, mwa nako yetuna ye sa taha, lu kona kuba mo biki kaufela. Mi, oh, maabani busihu ne lubile ni nako yende hahulu!

<sup>2</sup> Kihande, cwale lu si ka bala fela kale Mañolo, ha lu cinceni fela li—li libaka za luna fa nako nyana kwa linzwi la tapelo:

<sup>3</sup> Ndata luna ya Musa yakwa Lihalimu, lu taha ka Libizo le li fumile hahulu la Mulena Jesu, ka kuziba kuli zazi leliñwi U ka taha. Mi lu lika kulukisa lipilu za sicaba kuli si amuhele sinulo tuna ye yakuli ki Wena Mwana a Mulimu ya pila; ha u si ka shwa, kono wa pila kuyakuile; mi u pila mwa Keleke ya Hao ka kuba Paki ya Pentekota, ya nako yetuna yani ha ku ka taha nako ya ku ncafazwa kuzwa Fapila Mulena. Lu tabile hahulu ka kuikola linako zeo mwahali mo kasumulaho wa myaha ye mianda ye naintini.

<sup>4</sup> Mi, Ndate, lu inamisa lito ho za luna ka buikokobezo ka kukuteka baana bababatuna baa mwahala masika kaufela, linaneli zani zo No sweli mwa lizoho la Hao, zo No bulezi kuli neli, “mangeloi a Masika a Likeleke,” ili bakutazi. Mo lu itumelela ku Wena ka Muhalalehi Paulusi, wa Efese. Mo lu itumelela ku Wena ka Irenaeus, O Mulena, Irenaeus mutanga Hao yomutuna; ni ka Muhalalehi Martin; mi busihu boo ka Muhalalehi Columba. Mulena, mo lu itumelela ku Wena ka baana baa. Mwahala Buroma bwa lififi, buhedeni butaha mwa keleke, ne ba yemi ka kutiya kuyemela Liñusa la pentekota ni mbuyoti, kubulela ka malimi, ni—ni lisupo zetuna ni ze komokisa, foliso ya bakuli, ni ku zusa bafu.

<sup>5</sup> Buñata bwa bona, Mulena, ne ba pazalwa fahali, ni kubulaiwa, ni ku fepiwa kwa litau; lika zetuna za ezahala. Lifasi li tapisizwe ka mali a ba balukile. Mi, Ndate, mali a bona alila kacenu bakeñisa baba maswe bani, keleke ya buhule. Mi No ize, zazi leliñwi ha U sululela. . . “Lingeloi la sululela lunaka lwa lona fateni, mi ni—ni mali a mubulaiwa kaufela na fumanwi mwateni.”

<sup>6</sup> Mulena, lutuse kuli lube. . . ba ba itukisize kuyema cwale, kakuli nako iya ikwalwa. Mi lubona sibatana sa manaka ha si pumbuka mwa lifasi, isiñi kuzwa mwa nyangela ni mwa macaba a batu, “Ni manaka aswana ni ngunyana, kono ya bulela

sina dragoni.” Lu lumela kuli hola se ili fa kaufi ni kufela cwale, Ndate, likeleke ze halisweli ku kopana hamoho, “Ba eza siswaniso sa sibatana”; mi ikaba butata fa sikwata sani, Mulena, babasike ba ikopanya teñi. Kuñala ko kutuna luli ku ka taha, kono mwa hola yeo U sepisize kunga Keleke ya Hao. Lu tuse, Mulena.

<sup>7</sup> Liloteli li liliñwi li si ka wa kale, Nuwe na sa keni mwa areka. Mulilo u si ka nata kale Sodoma, Lota na sa ile. Ndate, lwa lumela, lindalamiti za atomiki li si ka shanauna kale lifasi lwa mwa liemba emba, Keleke ikabe iile. Lu tabile hahulu, Mulena. Mi, lu ziba kuli lindalamiti lisweli ku nyendaela mwa mibeto, busihu boo.

<sup>8</sup> Mi lukona kutalima kwa Lihalimu ni kubona Mwana mutu ha nanuha fa Lubona lwa Hae kuli akale musipili wa kutaha mwa lifasi kwa Kuungelwa kwa Keleke ya Hae, mi lu ziba kuli mahutu a Hae amande haana kuhata fa lifasi la sibi le ka nako yani; kakuli Rebekah ha na pahami kamele ni kutuluka fa kamele, mwahala ndu ya Abrahama, kwande mwa simu akatanyeza munyaliwa. O Mulimu, mi ni Keleke ika katanyeza Munyaliwa wa luna mwa mbyumbyulu, “Kakuli luna ba bapila mi lu siyala haluna ku tibela kamba ku paleliswa baba lobezi. Tolombita ya Mulimu ika lila, baba shwezi ku Kreste ki ha ba ka ka zuha pili, mi lu ka ngelwa hamoho ni bona ku yo katanyeza Mulena (mwa simu) mwa mbyumbyulu, mi kamita lube ni Yena.”

<sup>9</sup> Oh, lu tuse, busih boo, Mulena. Lufe bunde bwa Mioya, mi u zwise buhali kaufela ni ku sa iseza ngana lizwe ku luna, mi lube baba swalani hahulu ni Moya o Kenile. Tuhela Lingeloi la Mulimu libuse busihu boo.

<sup>10</sup> Mulena, Ha ni zibi za kubulela kwa sicaba se. Cwale, Ni na litaba za kale ni lika zeñwi ze ñozwi fa zo No ezize, kono si lwala Wena kutoloka za kwapili, kacwalo Ni lapela kuli U li pete ka Libizo la Jesu Kreste. Amen.

<sup>11</sup> Cwale ha lu apuleni cwale mwa Buka ya Sinulo. Mi luinzi busihu bo fa keleke ya . . . Lusika lwa keleke ya bune, Tiyatira, lusika lo lutuna lwa keleke lo lu zibiwa kuli Lusika lwa Liffi. Lusika lwa keleke ye ne lu kalile ka 606 ni kufela ka 1520. Ne . . . Kona fela ze ne Ni kona kueza, ku li balisisa. Baituti ba bañata bangile—bangile Muhalalehi Patrick kuba naleli kamba nto . . . kai . . .

<sup>12</sup> *Linaleli ze sebene* neli “mangeloi a sebene” a Masika a Likeleke ze Sebene. Lwa ziba kamuso busihu, kusina ku kakanya, Luther; mi ni Wesley. Ha lu zibi naleli ya lusika lwa Laodesia lo kuli likaba lifi. Ki . . . Lu mwa lusika lwateni cwale, lo lukali kuzwa ka 1906 kwa makalelo a Pentekota. Kono ku kaba lingeloi le li ka taha ku to nyaza lituto za milapelo kaufela, ange Keleke kuitukisa kuya kwa Hae. Cwale, ka butali bwa—

bwa . . . mwa Moya, ya ka taha ka lisupo ni ze komokisa. Cwale, Ni lapela kuli Mulimu uka lu tusa ku ziba se.

13 Ka kotalima taba ye, ku italimisisa, Muhalalehi Patrick neli muuna yomutuna. Ni ka kunga mapampili amañwi a kale hahulu, Muhalalehi Patrick ne si wa Katolika. Na hanyelize keleke ya Katolika. Mi ka nako ya Kuongaonga, tuto ya litapelo yene banani yani ya fumanwa, ni kubonisa kuli Muhalalehi Patrick na nyazize keleke ya Katolika. Kuli . . . Muhalalehi Patrick na swana sina muuna wa kopano fela, nana ni sikolo. Yena pili . . . ha na swelwi fa makamba a liwate, yena, ni likezeli za hae ze nyinyani za na si ka utwa kale hape. Ba shimbiwa, ni bona kuli neli kwa Rome mi ba lekiswa sina batanga. A shimbiwa ni yena mi alekiswa sina mutanga mi afiwa musebezi wa kulisa likulube.

14 A luta linja ku—ku babalela likulube za hae, ni zeñwi cwalo; mi ne litaha ka mihuwo yeshutana ni lika zeshutana za na fa kwa linja. Mi sani mafelelezo sa ba nzila ya kubaleha ka yona, mwatasi a mukolo, fani linja ha li mu tahela kufitela akena mwa liwate. Kwa mafelelezo ataha kwa sibaka sa hae se sinde, Ireland, mi afumana bomaha ni bo ndatahe ba sa pila. Mi Muhalalehi Patrick nali—mwana kezela Mulahalehi Martin.

15 Ili, alimuñwi ya nali yomutuna hahulu ku be lukile lwaba ni bona mwa mukoloko wa baana kuzwa ku Jesu Kreste, neli Muhalalehi Martin. Likeleke za hae ne li tezi fela Moya o Kenile, kaufela ne ba bulela ka malimi, nebana ni lisupo ni ze komokisa, ni limakazo, mifuta ya limakazo kaufela ne linga sibaka. Yena a buluka Tumelo ya pentekota mwahala keleke ya lusika lwani ye neli sinawenga kwa Bukatolika; buhedeni ni Bunikolai ne buli mwa sinawenga hamoho, kueza kopano. Mi ni kueza za—za Manikolai . . . Ze lu biza kuli *Nicko*, kotalusa “ku koma.” “Kukoma kamba kuhatelela keleke,” ni ku zwise Moya o Kenile mwa kopano, mi “buprisita bwa moya fela, ki muuna fela.” Mwabona? Mi kipeto ba pila ka mukwa kaufela o ba bata, Na sepa, mi haibile fela u bakela ku muprisita. Mi bona . . .

16 Ne lu fumani maabani busihu, kuli—kuli ba ba inisa fahalimu, kuli Constantine atoma bishopu pili, mi abeya . . . aba fa miyaho ye, halunze lu mi fa mazazi a zona ni lika kaufela ze mu nani. Mi hape ne bana ni mukiti omutuna wa linako za litabula kwani, o no banga ka la 21 Ñulule, lizazi lelikuswani hahulu mwa silimo. Mi teñi ba kenya lika ze lwanisa tumelo, ili, za kuli Na li yena “zazi la lizazi.” Mwabona, ili—ili mukiti wa kupepwa kwa zazi la lizazi, ba shimbulula kupepwa kwa Jesu Kreste kuzwa mwa kweli ya Lungu kutaha ka la Ñulule 25.

17 Ñulule 25. Ka ona mazazi a ketalizoho ani fani Maroma nebana ni mikiti ya bona yemituna, mukiti, ni zeñwi cwalo, mi yani kona nako yene ba nyakalalanga mukiti tuna wa buhedeni woo. Mi ha ba beya muuna yo kuba sina mulimu fahalimu fani,

ba mutinisa ni lika kaufela. Se baba ni mulimu wa maswaniso. Mi ba . . . fani kona fo ne batezi batu mwa mileniamu ya mwa mulaho, ona kwani, kakuli ne ba hupula kuli keleke neili mwa Mileniamu ka nako yani. Mwabona, kakuli ne ba fumile, ne ba sa tokwi sika, naha ni keleke hamoho. “Mileniamu ikalile,” isali tuto ya ba Katolika ni lizazi lee. Mwabona? Cwale, “Mileniamu ikalile,” kakuli lu ziba kuli yeo ki nto yetata. Ya Mileniamu: ki Kutaha kwa Bubeli kwa Kreste ko kutisa Mileniamu. Yeo ki niti.

Lifasi lisweli la tonga, kulilela lizazi la  
kutamuha ko kunde kwani,  
Fo Mulena luna ha taha mwa lifasi hape.

<sup>18</sup> Cwale, muhalalehi yomutuna yo fa neli Columba. Na li muuna yomutuna wa Mulimu.

<sup>19</sup> Cwale, Nina ni bupilo bwa hae bo buñozwi faa. Pili, lusika lwa keleke ya bune, *Tiyatira*, italusa kuli “nambwanyaleka, kutamuluha,” kamba, “mbundu.” Mwabona? Neli fela nako ya ye sa swaneli kuzwa ka 606 kuya ka 1500.

<sup>20</sup> Naleli neli Columba, na zwa kwa Ireland ni Scotland, yanali mwana kezela Muhalalehi Martin; mi apila mwendi myaha ye silezi mwa mulaho wa Muhalalehi Patrick, mi kacwalo bulumiwa bwa hae bwa kala kasamulaho wa myaha ye silezi mwa mulaho wa Muhalalehi Patrick. Yena . . .

<sup>21</sup> Yena na si ka amuhela tuto ya Maroma. Na li muuna yomutuna wa tumelo. A hana tuto ya Maroma; na si ka ya kwa Rome, kono a lihana kaufela zona. Kuli, Ha ni si ka bona fo ne ba mu tomela mayemo a tumelo. Inge mo ne ba ezelize ku Muhalalehi Martin ni babañwi, ne ba si ka mu tomela mayemo a tumelo mi Irenaeus kakuli ne ba sa li mwa Keleke yani yene nani lisupo ni ze komokisa za Pentekota, kono na lumela. Na si ka ya ka tuto ya Maroma, mwa lituto za hae. Na ngile Bibeke kuba tuto ya hae kuya ka bomahe ba bulapeli, kezela Muhalalehi wa Martin, mi na si ka ya ka tuto ya Maroma ka nako kaufela. Na lutile lisupo za Mareka 16 kuli li ka latelela mulumeli. Amen! Na . . . Wani kona mufuta wa mutangana ye Ni tabela; ya lumela. Eeni, sha.

<sup>22</sup> A—a utwa Linzwi la Mulimu le li utwahala ha li biza. Sani ki sisupo se sinde ku yena, mwabona. Kona kuli hakuna ze ne ka mu paleliswa kuzwa fani, na sa pahami, uh-hum, uh-huh, na li mwa musipili ha u twa Linzwi la Mulimu.

<sup>23</sup> Makazo iliñwi . . . Ni na ni zeñata nyana zeñ- . . . fafasi fa, kono ha lungeni fela ye. Makazo iliñwi neli kuli ha naile mwa muleneñi omuñwi kwa na mu lumile Mulena, mi muleneñi no sa lati ku mu amuhela, ki ha baya kuli ku . . . banga baopeli, ni babañwi cwalo, mi ba kwala minyako ni kulika ku mu tibisa ka kuliza lilimba, baopeli bao. Mi ki ha kala ku kutaza, mi ki ha tima baopeli kaufela mane minyako ya kwaluha, a kena

mwahali, a kutaza nihakuli cwalo. A nga sikwata kaufela mi ba baka.

<sup>24</sup> Ki ye yeñwi yelikani fa ye Ni tabela kubuela ka yona. A kena mwa munzi. Nebana ni minzi ya bona ye matehilwe mamota mwa mazazi ani, eeni sha. Kacwalo aya mwa munzi, mi ba mu leleka. Na sweli kuya kusili, mi mushimani wa muña munzi awelwa ki butuku bobutuna, mi ba mu luma ku mutanga yomunde. Ataha mi a lobala fa halimwa mubili wa mushimani, mi akutela kwa bupilo.

<sup>25</sup> Keleke ya hae ne itala Moya o Kenile, ne kusina za na bile ni zona lisili, kakuli membala ufi ni ufi wa keleke na lukela kutala Moya o Kenile. Na lwanisa mi na toile mindandwe ya litulo za Rome. Ni lumela kuli na li yena lingeloi la Lusika. Ki sikamañi sa na eza? Ka kubulela mwa malimi, kolobezo ka Libizo la Mulena Jesu, ku ya ka lika luli ze ne ba kalile. Haiba Mulimu ha na mafelelezo, mi cwalo kona mwa Na tomezi Keleke ya Hae kwa simuluhó, lina ni kuba ze swana, mi li na (mene nihaiba mwa bunyinyani) kutaha fafasi cwalo; mane na sa *zwile*, ataha hape ka Luther.

<sup>26</sup> Cwae, lu bata ku kala cwale, mi lubone haiba lu ka ba ni zeñwi cwalo cwale, kwa . . . lu ka kalela ka timana ya 18:

. . . *kwa lingeloi la keleke ya Tiyatira uñole kuli*; . . .

<sup>27</sup> Kana mulemuhile lika ze—ze ñozwi? Mañusa a añolezwi kwa lingeloi, kamba mukutazi ya lwezi Liseli la keleke ya lusika lwani. Mwabona? Cwale, maabani busihu ne lu fumani kuli, ka kukwala kwa lusika lwa keleke loluñwi lwa—lwa Pergamosi, kuli lingeloi la keleke (mwa kukoma kwa lusika lwa keleke ye) ne ika amuhela licwe. Mi mwa licweli le . . .

<sup>28</sup> Cwale, lu ngile ona “licwe” leo ni ku li beya mwa siswaniso, li talusa kuli “licwe.” Ki sikamañi seo? Lingeloi ne li ka swana sina Pitrosi, yana bizwa “licwe.”

<sup>29</sup> U fumane kuli libizo la hao lina ni mata fa bupilo bwa hao. Cwale, Ha ni koni kuya hahulu mwa butungi bwa seo, kakuli diabulosi una ni lipalo za linombolo za buhata; lwa ziba cwalo; sicaba si kala *kuikutwa* cwalo, ni lika zeñwi cwalo, ze kena mwa bulapeli bwa milimu. Mi bulapeli bwa milimu ki bwa diabulosi. Lwa ziba cwalo. Mi yeo kona nzila, muna ni ku tokomela. Kuswana inge . . .

<sup>30</sup> Kwani mwana ya bizwa Jesu ne ba mu bizize kuli “Baalezububi,” ili “dimona,” kakuli, mwa bona, Na lemuha milelo ya ngana ya bona. Mwabona, kono Na li yena Linzwi la Mulimu. Mi Maheberu 4 iize, “Linzwi la Mulimu, li buhali kufita mukwale o lozizwe kafa ni kafa, mane likona kulemuha milelo ni maikuto a mwa pilu, mwa ngana.” Mwabona? Kacwalo, Na li yena Linzwi, Ki yena Linzwi leli pila, mi Linzwi le li pila litaha ku luna mi Li eza mikwa yeswana ku luna. Mwabona, yeswana, kakuli Ki Linzwi le li swana. Mwabona, Ki

nto yeswana mwahala luna. Mi yeo kona nzila. Mi linako zeñwi bani baba si yo mwa sikwenda sa baba bulela ka malimi, mi yomuñwi wa toloke. Ki sikamañi seo? Linzwi le li ezizwe nama mwahala luna.

<sup>31</sup> Mi cwale, lu lemuha cwale kuli lingeloi le ne li amuhela . . . lingeloi la lusika lwa keleke lene li amuhezi “licwe.” Ne li licwe le li *sweu*, ha li talusi kuluka kwa hae, kono ki “Kuluka kwa Mulimu.”

<sup>32</sup> Mi mwa licwe le nekuna ni “libizo,” libizo leo mutu na sa zibi sika ka lona konji ya li amuhezi. Na li ziba, kono hakuna mutu usili ya li ziba kono yena. Kona kuli ha mu utwa mutangana yo a mi bulelela lika, ubulela za hae; ki bo “Joani,” ki bo “Paulusi,” ki bo “Maria,” ki bo “*se*,” “*sani*,” kamba “*sesiñwi*.” Musike mwa li lumela, kakuli haiba ku cwalo, na si ke kubulela sika ka zona. Mwabona? Yeo ki niti. Una ni ku i pulukela lona. Na zibile. Hakuna ya li ziba kwanda hae, kono na zibile kakuli mukomi ya petehile kaufela u amuhela libizo lelinca ka—ka—ka nzila yeo.

<sup>33</sup> Kana mu lemuhele kuli Abrahama na bizwa Abram, kono cwale Mulimu ha to itusisa yena, A cinca libizo la hae kuba “Abrahama.” S-a-r-r-a neli Sarra, kono cwale Mulimu hana ka itusisa yena, A cinca libizo la hae kuba S-a-r-r-a-h: *Sarah*, “mwana mukwae.” Kana mwa ziba kuli Jakobo . . . ? *Jakobo* neli “kuluku.” *Esau* italusa “bufubelu,” wa mahaha mi yomufubelu; wa milili ye mifubelu, ni bufubelu mubili kaufela, kona Esau. Cwale, mi Jakobo neli “kuluku.” Mi *kuluku* ki “mupumi.” Hanili Esau aize, “Hanili libizo la hae libizwa *Jakobo*, ‘kuluku?’” Kono ha na mangani ni Mulena busihu kaufela, mane a koma, mi a fuyolwa, Mulimu a cinca libizo la hae; *Jakobo* kuba *Isilaele*, “nabi ni Mulimu.” Paulusi na bizwa *Saule* konji ha katana Moya o Kenile mwa mufuta wa Liseli le ne li mu monyehile mane ku mu wisa, libizo la hae la cincwa kuzwa ku Saule kuba “Paulusi.” Simoni, fani ha katana Jesu, A cinca libizo la hae kuba “Pitrosi.” Kuli . . .

<sup>34</sup> Mi cwale Jesu ha na komile, Libizo la Hae la cinca. Mi Na patuluzi Libizo lani, “Ya na kaba ni Yena, uka koma sina Yena mwa komezi, na amuezi libizo le linca; mi Ni ka patulula Libizo la Ka lelinca ku yena.” Mwabona? Mi mukomi ufi kaufela, Ni talusa, mwahala ba bacwalo bao: baeteleli bani ni babañwi kaufela. Cwale, bana ba Isilaele kaufela ne ba si ka ci nciwa mabizo a bona, eeni sha. Yeo ki niti. Kono baeteleli babatuna bani, ha ne ba koma, ba to amuhela libizo lelinca. Mwa bona kana mo li zamaelela nji? Ka kuswanela fela hande.

<sup>35</sup> Mi cwale lu fumana kuli ni yena hape na amuhezi “manna ye patilwe.” Cwale, manna ye patilwe ki mufuta wa sinkwa se si si ka umelwa. Sinkwa se si si ka umelwa neli sa buprisita fela kihona. Yeo ki niti. Sinkwa se si na mumela neli sa buprisita fela. Mi bona . . . Ne li nto yebutokwa ya muprisita, fo ki kuli,

baeteleli; ni muuna yo ya kakoma. Kopano kaufela ina ni manna, kono na nani *yepatilwe* (yebutokwa) *manna*, kamba ki “*sinulo yebutokwa*,” oh, ya yo Jesu nali yena, mi kucwani ka Yena, kaufela ki ka za Hae. Mwabona, na amuezi sinulo yani haiba na komile, kwa lingeloi. “U kumalele, kakuli yena . . .” Ya tula. U ñolela kwa *lingeloi* la keleke. Mwabona?

36 Cwale lu fumana cwana, busihu boo, lwa kala:

. . .kwa *lingeloi* la *keleke ya Tiyatira kuli*; Ki ze za *bulela Mwana Mulimu*, yana *ni . . .meeto . . .atuka mulilo*, ni mahutu a hae. . .*sina sipi ye cisa*;

37 Cwale, ha lu Mu bona lwa pili, Lusika lwa Efese, kamba kwa makalelo a Sinulo, lu Mu boni mwa likalulo za Hae ze sebene za butu bwa kanya. “Milili . . .” Lu fumana kuli Joani na Mu fumani ka lizazi la Mulena.

38 Mi Ha taha cwale, Ki Muprisita. Ha Na li fa lifasi mubu fa, Na li Mupolofita, Mupolofita wa Mulimu. Cwale Anga Mali a Hae Tota mi aya fapila Ndate, kona a Mu eza kuba Muprisita. Ha ka kuta Uka ba Mulena. Mupolofita, Muprisita, ni Mulena. Na li Mupolofita wa Mulimu, Na li Mbande. Na li Muprisita wa Mulimu, Na li Ngunyana. Ha ka Yo kuta, U kaba Tau, ili Mulena, (lusika lwa Juda) ku to busa.

39 Kono mwahala musebezi wa Hae wa Buprisita, sibaka se sikenile ha si felile, kipeto lu Mu fumana inga yemi fani. Mi Joani naize nali mwa Moya ka “lizazi la Mulena”; isifi lizazi la busebene, isifi la Sunda, ao kaufela ki mafosisa. Ne lu fumani cwalo, lu alungutile mwa Mañolo, neli lizazi la Mulena. Le ki lizazi la mutu. Kutaha kwa Mulena ikaba lizazi la Hae.

40 Mi lu mu fumana kuli u mwa lizazi la Mulena. Mi, ha na boni Mulena, Na apezi “milili ye misweu twaa sina litwa.” Mi lu ziba kuli zeo li talusa muatuli.

41 Nto yeñwi, Na si Muprisita ka nako yani, kakuli Muprisita na itamanga lukanda mwa teka, kotalusa *sebezezo*. Kono Yena na itamile fa maheta, fahalimu *faa*, ze ne talusa kuli Na li *Muatuli*. Amen! Mi lu Mu boni ha zamaya mwahala malambi a sebene a gauda.

42 Mi cwale Lungile za kwa mulaho mwa “Mazazi a Kale,” ka kuba wa limbi *twaa* fa Lubona Lolusweu lwa Katulo fani Daniele ha Mu bona, “A atelwa ki Mazazi Yo milili ya hae neli yesweu twaa sina litwa.”

43 Cwale, “busweu.” Baatuli ba kale bama English mwahala lilimo cwalo, ne ba banga, ha ne ba inanga fa lipula za buatuli ne ba tinanga kuwani ya milili yesweu kwa litho, milili yemisweu twaa, kakuli neli baatuli. Mi Joani a Mu bona mwa lizazi la Mulena, ha Na li Muatuli. Amen!

44 Cwale lu fumana cwana kuli “Nana ni meto sina mayekuyeku a mulilo.” Meto ani cwale sina mayekuyeku a

mulilo. . . Nako yeñwi meto ani na itima ka miyoko ya butu. Na yema ni kulila bakeñisa muuna yana shwile, inza ziba kuli mwa mizuzu ye ketalizoho yetatama muuna yani na ka pila hape; kono neli fela makeke a butu. Kono mwa mulaho mwani ne kuna ni mata amatuna hahulu A na talima ka ona mwa bupilo bwa mutu ni ku mu bulelela yoo nali yena ni lika zeñwi kaufela. Kakuli ne li taha cwale mwa ponahazo ya mulilo yee. Meto akona kotalima kwapata ni kwa mulaho mwa lifasi kaufela, ni kubona lika kaufela ze ezahala. U ka yema kai ka Lizazi la Katulo lani? Libi za hao li ka ba fa ngandaleza fapila Hae.

<sup>45</sup> Mi mwa lemuha kuli Nana ni, “Mwa mulomo wa Hae kuzwa, mu—mu mukwale o buhali o lozizwe kafa ni kafa,” o ne lu fumani kuli neli *Linzwi*.

<sup>46</sup> Ne lu boni mahutu a Hae kuba sina “sipi yecisa,” ni zeñwi cwalo, ze ne talusa kuli “mutomo wa Hae.” Na hatikezi bisansa bya veine ya buhali bwa Mulimu Yamata, mi a hatikela ni kulwala sibi fahalimwa Hae, mi a capwaela mwateni, ni kutabisa Mulimu. Yeo ki niti. Mi mutomo wa Hae ki mutomo wa luna:

Ku Kreste, yena Licwe, Ni yemi; (kubulela  
Eddie Perronet.)

Libaka zeñwi kaufela ki lishabati. (Yeo ki niti.)

<sup>47</sup> Cwale lu fumana fa, nako kaufela Ha taha mwa lusika lwa keleke, U ipulela ka iliñwi ya mikwa ya Bulimu bwa Mabizo a Hae. Cwale lu fumana cwana kuli kwa mulaho kwani, sa pili mwahala sinulo kaufela ki Bumulimu (Bumulimu bo bu Pahami) bwa Jesu Kreste: “Ki Na ya na liteni, ya liteni, ni ya sa taha. Kina wa pili, ni wa mafelelezo, Mulimu Yamata kaufela.” Mwabona, sinulo yapili. Joani a fetuha kuli abone yana ambola ni yena. Nto yapili, A mu bulelisa kwa. . .

<sup>48</sup> Mulena kaufela, ha na bulela, u—u—u bulela yo ali yena; mutu kaufela. “Kina wa *Kuli-ni-kuli* kona kuli ha Ni bulela ku mina, ha mu ni zibi. Ki na William Branham, Kina *John Doe*,” kaufela yo ali yena.

<sup>49</sup> Ki hali, “Ki na wa pili ni wa mafelelezo; ya na pila mi u shwile; mi na pila kuyakuile.” Oh, mawi! Ki Bumulimu. Fa lwa Mu bona mwa butu bwa Hae bwa likalulo ze sebene mwa buino bwa kanya. Mwa lusika lufi kaufela lwa keleke U—U taha ku bona ka kalulo ili ye shutana za bulimu zani, ye shutani ya buino bwa kanya bwani.

<sup>50</sup> Cwale, busihu boo, U taha ni mulilo otuka. U sweli kotalima mwa Laodesia. . . kamba mwa Tiyatira. Lo kona lusika loo keleke inyezwi kwa Bukatolika ni buhedeni, kamba Bunikolai ni buhedeni hamoho ni kunyalana ni kupepa keleke ya pili, keleke ye ongaongilwe.

<sup>51</sup> Mi Mulimu a bulela kuli *likezo* za Manikolai (ze ne li mwa Efese), mwani mwa—mwa keleke yenyinyani ya Pergamosi za ba “tuto,” mi ili ne li “tuto ya Balaami.” Mi Balaami ki yena ya na



lutile Isilaele kuya kwani ni kueza boozwa, kamba ne ba ezize boozwa ni Moabi (ya nali membala ya fokola ya enya keleke), kamba keleke ya sihalihali, kopano yetuna. Mi lu fumani kuli Mulimu naize, kuli tuto ya Manikolai yeneli. . . neingile za . . . ya beya mata kaufela mwa keleke ni kuibeya kwatuko ku ipanga fela kopano, mi Na ize, “Mu itoile, mi ni Na ni itoile.” U zwelapili fela kubulela kuli, “Ni litoile! Ni litoile! Ni litoile!” Mi litile mwa puso ye mata cwale *faa*. Mubone likeleke mo li ihamulezi kwande, fahalimu nyana fa nto yenyinyani *faa*, mi yeo kona keleke ye luli ku yona cwale.

52 Cwale, mwa lizazi le ne itile sinulo ye, kamba yeneli kwa keleke ye, neli lizazi leo Rome ha ne iyahile macwe amatuna a sibaka sa bona, ka mwange ni musitelo. Kono U bulela kwa keleke yeo “Yena u sa siyezi ali mulilo o yekauka unzo talimile mwahala nako, mi mutomo wa hae ha ki mwange, musitelo, kono ki otiile, sipi ye likilwe mwa ondo ya mulilo.” Mutomo ki o tiile. Na lata cwalo. Lwa ziba fo lu yemi.

53 Ku lukile:

*Na ziba misebezi ya hao, ni lilato la hao, ni sebelezo ya hao, ni tumelo, ni pilutelele ya hao, ni misebezi ya hao; mi ya mafelelezo—mafelelezo iba yemituna kufita ya pili.*

54 Ku lukile, keleke ibonahala kuli ise ipumilwe kwateni, iba ye kusufala fela, mi ne ba zwile kwa mikopano yemituna ya moya, mi ne ba itinga fela fa misebezi. Mulimu halati kuli luitinge fa misebezi.

55 Seo ki—ki sisupo sa mutu. “Lu nga Ma Jones fa kota yeñwi. Mi lu ka nga mukete wa *Kuli-ni-kuli*, bana ba bona, fa liapalo zeñwi cwalo.” Mi zeo li lukile. Kono, musike mwa itinga ku zeo, musike mwa eza zeo. Muzwale, yeo—yeo—yeo ki misebezi yeminde; ye minde, mutu wan aha ya ikutekile uka eza zeo. Kono se si paka kuli u Mukreste ki kutwisiso ya kupepwa sinca, ili kolobezo ya Moya o Kenile. Ku lukile.

56 Za nyanyifazwa, ne ba tokomela hahulu misebezi kufita lilato ni tumelo, inge bazwelapili ni kuzwelapili nako ha ne isweli kuya cwalo.

57 Ku lukile:

*Ni ziba misebezi ya hao, . . . Ni ziba tumelo ya hao, Ni ziba pilutelele ya hao, ni zeñwi cwalo . . .*

58 Kono cwale lu ka nga timana ya 20, muteeleze ku se:

*Kono se Ni ku nyaza ka sona ki se, u fa Jezabele sibaka, ili yena musali ya ipiza mupolofita, yena yo u kelusa batanga ba ka . . . ka ku ba luta za buhule, ni ka ku ca lico ze tabezwi balimu.*

59 Cwale, “musali.” Ki sikamañi se ne lu fumani seo *musali* na yemela maabani busihu? Ki “keleke.” Cwale, cwale lufumana fa

kuli ne ba bizwa “Manikolai,” “tuto ya Balaami,” mi cwale se ibile ku “Jezabele.”

<sup>60</sup> Cwale, “Jezabele.” Haiba mu lemuha, le kilikande lelituna la kale. Cwale, haiba mu bata ku liñola, pili ki Melena Bapili, ka za . . . Malena Bapili, mwendi ki 16. Jezabele na si mwana musizana wa Abrahamama; kamba nihaiba kuli sikwata se kuba kwani, ki Rome ya buhedeni. Manikolai ne ba li baba batile, sikwata sa sihalihali sa Bakreste be ne ba ikauhanyize kwa Bakreste ba niti, “be ne ba bonahala kutokwa Tumelo.” Mi ne ba bata kueza keleke kuba sina ndu ya malobalo, zeswana ni ze banani kacenu; inge ndu ya malobalo, hakuna Moya mwahala zona ni hanyinyani; “Mazazi a limakazo a felile. Zeo kaufela ne li za lusika lusili. Luna ni sizwale.” Muyahi yomunde, Mulikani ya Ipitezi, kamba nto yeñwi cwalo yetisa zeo. Mi zeo li lukile, kono zeo halina kunga sibaka sa kupepwa sinca ku Jesu Kreste, puluso ya moyo, ona Niti ye.

<sup>61</sup> Ku lukile, Jezabele yoo. Cwale na li mwana musizana wa Abrahamama, yeo ki niti, mwana wa mulapeli wa milimu. Ka nako yani foo lubasi lwa silena, lubasi lwa hae lwa silena, ne lu zibahala ka sibulayi sa Balaami. Ndatahe neli muprisita wa milimu A-s-t-a-r-t-e (Ha ni zibi mo mu bulelela libizo leo, Ni li ngile fela mwa litaba za kale). Akabe na itusisize mukwa wa butali bwa hae inge Constantine. Naha yetuna ye neili bukaufi ni Isilaele, kona kuli . . .

<sup>62</sup> Ki sikamañi sa na ezize Constantine maabani busihu? Na si ka baka. Na li mutu wa litaba za naha. Ki sikamañi sa na lika kueza? Na ngile Bakreste, ha ba mu bulelela kuli ba ka lapela . . . (Mi cwale kwani, muhupule, u ngile- . . . lu ambola cwale za Manikolai). Mi abulela kuli haiba ne ba ka mu lapelela, mi na ka koma ndwa ye, ni na ka—na ka ba Mukreste. A ba ni tolo. A penta litebe za hae busweu, busihu bwani, ka sifapahano. Ko ku zwile bahali ba Knights of Columbus, ka yona nako yani; cwale kwani kona ko banga mayemo a bona. Kono na si ka eza sika kaufela sina Mukreste! Ku iliñwi ya likeleke za Manikolai, ye bizwa St. Sophia, na beile sifapahano. Sina mo ne Ni bulelezi maabani busihu, yeo kona fela nto inosi yana ezize yene utwahalile kuli ki wa keleke, kuya ka mo Ni konezi kufumana ha ne ni alunguta mwa litaba za kale; ni baituti babañwi babañata kaufela ba bulela zeswana. Hakuna ze lu ziba ka za cincheo ya hae, cwale. Kono ki sikamañi sa na keni ku sona? Nto yana bata kueza, na boni zetuna za Rome, cwale.

<sup>63</sup> Cwale amutalime ku se, mutalime muzamaelo woo. Mi mutalimele Bible mo i li boniseza, Mulimu, mianda ni mianda ya lilimo li si ka ezahala kale. Mi Constantine a itusisa butali bwa libizo, Mulimu na bulezi fa, kuli Akabe na itusisize lona.

<sup>64</sup> Cwale, Constantine abona siemba sesituna sa sicaba sa habo bene ba li Manikolai, Bakreste. Babañwi ba bona ne ba

bizwa kuli “banyefuli ba tumelo,” bao ki Mapentekota; ne bali “banyefuli ba tumelo ni bapikuluhi ba bakenile,” ni babañwi kaufela. Kwani kona ko ne kuinzi lisupo ni ze komokisa za mina. Kono keleke ya *nama* cwale ne isweli kutaha mwa kopano. Ki sikamañi sa na ezize? Constantine a bapala siemba se si butali. U ya kwani ni kunga balikani ba sihedeni ba, ni kunga balikani ba Bakreste baa, ni kutamahanya keleke hamoho, ukalisa si—si . . . atisa buhedeni mwa Bukreste. Bukreste ni buhedeni za nyalana mwa keleke ya Pergamosi.

<sup>65</sup> Cwale, ki sikamañi sa Na bulezi fa busihu boo? Ona nto yeswana ya na ezize Akabe. Akabe, kuli atiise mubuso wa hae, a nyala Jezabele, yena mulapeli wa milimu yoo; kuli atiise mubuso wa hae, kuli akenye mata amañata mwa Isilaele.

<sup>66</sup> Mi seo kona se li lika likeleke. Mwabona fo ba lika kueza Bibebe, lube ni zona isaho mwa '62? Yeo ki Bibebe ye ka tabisa Majuda, ika tabisa Makatolika, ni kutabisa Baipanguli. Oh, muzwale! Nina ni siemba ya pampili ya mutende. Hanina sona busihu boo, ne mu ni utwile ha ni bala za yona busihu bobuñwi. Ki fo he cwale, mwa bona.

<sup>67</sup> Oh, lika zeo kulika ku ekezeha! Banga lika ze kenile za Mulimu ni ku li hasanya kai ni kai, kwa kuekeza ni kueza linombolo zetuna. Kona ze iezize keleke. I amuhezi sicaba ku yona ka mayemo a kuswalana mwa mazoho, mi ba bile ni banyefuli ni lika zeñwi kaufela, sicaba se si si ka baka. Kono mwa Mubili wa niti wa Krete, o si kopano, kono haili wa kunutu—kunutu Mubili wa Krete, mukona fela kutaha mwateni ka nzila iliñwi, mi zeo ki ka kolobezo ya Moya o Kenile. Kulukile! Ni lisupo ze swana ze ne wezi baapositola bani, li wela Keleke. Yeo luli ki niti!

<sup>68</sup> Cwale, ha lu lukeli ku keshebisa ni kubulela kuli, “Kihande, lu ka yo ikopanya ni ba Assemblies. Lu ka yo ikopanya ni ba Oneness. Lu ka ikopanya ni *se*, kamba ba Baptist, kamba Methodist.” Ha lu ikopanyeni ni Krete! Mupile kwahule ni lika zeo. Kakuli ifi ni ifi kaufela ya likopano zani i lukile, kono bona—bona ba nga lituto ni lika za bona, mi mu lukela ku yo bona haiba mutoneli yomutuna u ka mi lumeleza kutaha mwa naha yani ku to ba ni mukopano. Haiba ha u luti fela sina mo ba ezeza, ba ka ku lahela fande, ha u koni kupila ni Bibebe. Mulimu hakoni ku li eza, U li toile. Mukreste usili kaufela ya pepilwe sinca wakona kuba cwalo. Buñata bwa sicba sani kwande kwani luli. . . si bata kueza, si bata kusebeza, ni kubata ku utwana. Kono ha u koni kueza cwalo, baka ku lahela kwande. Kihande, ha ba ku lahele kwande, bazwele pili, amuhela Moya o Kenile nihakuli cwalo. Yeo luli ki niti. Kono, mwa bona, bona—bona ba bata kunga li—li lituto za litumelo zeo. Ba bata kuikungela bo mina babana ni masheleñi amañata. Ba Baptist ne ba na ni pulelo mwa '44, kuli “Baba fitelela milioni haope mwa '44.” Ne ba bile ni sikamañi?

<sup>69</sup> Kuswana sina mubuleli yomutuna Billy Graham ya na ize, fani ha na li mwa Louisville, “Ni ka kena mwa muleneñi . . .” Ali, “Muhalalehi Paulusi u ka ya mwa muleneñi, uka eza bulikani bulibuñwi; a yo kuta isaho una—una ni baba mashumi amalalu ku bona; baikulu ba baikulu-baikulu-baikulu-baikulu-baikulu-ba bona, kuzwa kwa kubaka kulikuñwi kwani.” A li, “Ni ka kena mwa muleneñi, abiza likiti ze mashumi amalalu, Ha ni ya kwateni isaho ni palelwa nihaiba kufumana baba mashumi amalalu.” Mi sa na bulezi, na—na bulezi pulelo yende, kono niteni ha Ni lumeli kuli muzwale wa luna yomunde na sephalile. Mi ali, “Mina bakutazi baba buzwa.” Ali, “Ni ka kufa mabizo a bona ni keyala, uine u nzo hatile mahutu a hao fa sipula mi u ba ñolele liñolo mwa sibaka sa kuya, u ambola ni bona.”

<sup>70</sup> Na—Na mu lakaza ka zeo. Ni tabela kuli muuna abe sa li sona, isiñi muipi; yema hande mu ube soli sona. Mi Na lata cwalo. Kono Ni tabela kubulela kuli, “Billy, ki mañi yanali kwani kuli ange baba fetuhezi kwa bupilo bana nani Paulusi? Seo nesili sona, Billy, haiba mu ka ba hanisa ku kutelanga kwani ku yo swalana mwa mazoho, ni kuzuha, ni kubulela kuli, ‘Eeni, Na amuhela Jesu kuba Mupulusi wa ka,’ mi aine ona foo kufitela a shwa ni kubola, mi upepilwe sinca ka Moya o Kenile, u ka eza babanca kupepwa.”

<sup>71</sup> Muzwale, muna . . . u sweli ku yekauka mulilo, hamukoni ku mu tima. U swana sina ndu ye ca mulilo ka moya omutuna, fela ha ukoni kueza cwalo. Oh, u sweli kuhasana kai ni kai, muzwale, ya bakile wa niti wa Kreste, hakoni kuina a kuzize. Yena fela . . . u mwa musipili. Oh, Ni tabile hahulu! Oh, mawi! Kolobezi ya mufuta wa kale wa Moya o Kenile ye ku beya mwa mulilo! Ha ukoni kuyema u kuzize, moya unzo ku fukela, moya o kasha katata u ka ku fukela. Ze Ni tundamena ku koteza fateni likota, ni kuzwelapili kuzamaya. Eeni, sha! Hakuna ya na ngile baba bakile ba Paulusi, Paulusi a baisa hande ku ze tungile za Kreste kufitela a shwa kwa neku la hae, mi a pila ku Kreste, mane *aeza* ni zeñwi zateñi kaufela. Yeo ki niti! Kona mo kuinezi cwalo.

<sup>72</sup> Mizwale ya Baptist ki mizwale babande. Kono kuekeza fateni ba milioni hape, ki bunde mañi bwa seo? Muna ni mabizo a likana milioni hape. Kihande, muine fela fafasi ni kubeya babañwi mwateni haiba mubata babañata ba bona. Yeo luli ki niti, kono, muzwale, ze lubata ki mabizo mwa Buka ya Ngunyana ya Bupilo, ye tabilwe haisamba lifasi litomwa, baba tapile mwa Mali, batezi Moya o Kenile, lisupo ni ze komokisa inge li mi latelela.

<sup>73</sup> Mubate mwahala za kale. Ni lakaza kuli kambe mina kaufela ne mu ka ba ni Nicene Councils ni kubala lika zeo, kubona ba bulaiwa bani mo ne ba swalezi mulilo wani wa pentekota. Ni ka mi bulelela cwale, muzwale, mina ba Baptist, Methodist, ni bao kaufela muli bona, Liseli la niti la luli . . . ha ki kopano ya ba Pentekota, cwale; kono ki la niti, Liseli le li sephala

ki Kutwisiso ya Pentekota. Kwani. . . Ni bile mazazi ni mazazi cwale, litaba za kale zeo, ni libatile kai ni kai ko Ni konile u li fumana, mi kona mulilo wa pentekota wani ono inzi inge upila kuzwa kwa Pentekota ku to fita ni kwa nako yee. Eeni, sha! Li kashelizwe kwande.

<sup>74</sup> Babañwi ba bona bali, “Kihande, keleke yetuna ya Katolika iitimize mwa mañungwa. Kiñi, ipakile kuli ki Keleke ya niti.” Kiñi, ha ki nto yenca ku na, ka naha ni lika zeñwi kaufela mwa mulaho wa hae, wakona kuba teñi. Kono ki sikamañi sa—ki sikamañi sa buenyi, kona siemba se si nyinyani se si zusizwe kwateni, sicaba se si likani sani, se si lelekilwe, ku nepelwa mwa tolongo, ku sahiwa mwa liemba—emba. Ne ba pila cwani? Kakuli Moya wa Mulimu yapila u zamaya mwa butu bwa bona. Mi madimona kaufela a lihele hakoni ku I koma! “Fa halimwa licwe leo Ni ka yaha fateni Keleke ya Ka, mi minyako ya ba bashwile haina ku ikoma.” Ki yeo nto ya luli. Seo kona se si file Moya o Kenile kwa bakutazi ba Methodist baa, ni babañwi cwalo, moo. Mwabona, si ba konisa kupahama, si eza nto yeñwi ku wena. Hasina kufela.

<sup>75</sup> Akabe, yena muipi yani. Mwabona, wa ya cwalo, mi uli, “Cwale, haiba Ni kona fela kuikambota cwale, ni kunga naha yetuna yee. Mi haiba Ni nyala mwana musizana wa mucaha yani kwani, kihande, sani. . . luka—luka ba balikani.” Ki sikamañi sa na eza? Na lekisa tukelo ya hae luli ya kupepwa.

<sup>76</sup> Cwale, keleke ya Baipanguli ye *ha* i kuta mwa mulaho ni ku ikopanya kwa keleke ya Katolika, ika eza nto yeswana yene iezize kwa mulaho kwani. Akabe na pilile mwa lizazi lani. . .

<sup>77</sup> Se kubile linako zetaalu. Nali mwa kutwisiso ya mwahala busihu ya musipili wa Isilaele, mi *fa* itile mwahala busihu hape, mi lutaha mwahala busihu *fa* hape. Masika amalalu ku si ka taha kale loo; na keni mwateni *fa*, ni *fa*, mi ni *fa*.

<sup>78</sup> Cwale, haiba mu lemuha, Akabe nanyezi Jezabeel kuli atiise sicaba sa hae. Ona sani kona sa na ezize Constantine. Na tomile keleke yetuna tuna, mi anga katala ni kuezwa licwe lelituna lelinde, atinisa muuna yo cwalo, pope, amu beya fahalimu fani. Na li mulimu o pila, na ambola ni bona, mi—mi a mu bulelela ka libi za bona, mi sani sa tabisa fela keleke ye enya yani, mi ona cwalo ba ikela. Luli! Kona cwalo! Kihande, kono zeo ne li si ka tabisa muuna ya pepilwe sinca yani, ha ba ga zeo ni ku kenya mwateni mikiti ya buhedeni ya kupeta litapelo. Ki sikamañi sene ba ezize? Ba zwisize fateni Jupiter, mi ba beya fateni Pitrosi. Ba zwiswa Venus, mi ba beya Maria. Mi sa tisa—sa tisa buhedeni mwa litulo za Bakreste.

<sup>79</sup> Mi cwale Akabe ha nyala Jezabele, na ezize lika zeswana zateni luli. A tisa bulapeli bwa milimu mwa Isilaele. Mi ki sikamañi sa na ezize Jezabele? A bulaya mupolofita kaufela ya na beile mazoho ku yena. Kana ku cwalo? Ki mo ba ezelize ni ma

pope ona cwalo. Mukreste wa niti kaufela ye ba beile mazoho ku yena, ba mu bulaile.

<sup>80</sup> Kono nekuna ni naleli ya lusika lwani, Elia wa kale! Oh, eeni, sha! Na sa sabi, a ba bulelela ka zona. Eeni, sha! Nali naleli ya Mulimu ya lusika *lwani*. A to fita fa nako yeñwi mi ali, “Mulena, Kina fela ya siyezi.”

<sup>81</sup> Mulimu naize, “Cwale, libelela fa muzuzu, libelela fa muzuzu, libelela fa muzuzu, Elia.” Uh-huh. “Nina ni ba ba mianda ye sebene baba ipatile, kafoo. Mwabona? Ha muzibi kuli ba ka kai. Bateni kwande kwani, Bafarisi, Basaduki, ba Baptist, ba Methodist, ni ba Presbyterian, kono Ni ka—Ni ka ba zwiwa mwateni, u libelele fela. Mwabona? Ni na ni bona kwande kwani. Kuna ni . . . bona—bona—bona ki ba Ka, mi ha ba si ka kubamela kale liñwele ku Baale.” Kono Elia wa kale neli Linzwi la Mulimu mwa lizazi lani. Yena luli nali mufuta tenyene wa Linzwi la Mulimu la kutaha kwapili kwa Kreste, mi ikaba mufuta wa Linzwi mwa kutaha kwa bubeli kwa Kreste hape, kuya ka Mañolo.

<sup>82</sup> Cwale, lu fumana cwana kuli Jezabele yo munyinyani yo, ha to fita faa, na na ni ku wisaka tutala kaufela twa Mulimu ni kuyaha tutala twa hae. Mi abona kuli Isilaele a kubamele milimu ya maswaniso. Ona zeo luli kona za na ezize ni Constantine ha na ongaongile kekeke ya Katolika. Atisa buhedeni mwa—mwa kekeke ya Bukreste, mi aba ni Bakreste baba kubamela milimu ya maswaniso. Lwani ki lona lusika lwa lififi hape; lusika lwa lififi lwa Isilaele, lusika lwa lififi lwa—lwa kekeke; inge lu kubamela maswaniso. Mi Elia nali naleli mwa lizazi la hae.

<sup>83</sup> Mi aeza kuli Isilaele kaufela ikubamele Balaamu, mi kona ni kekeke ya Katolika mo ne iezelize kwa Tiyatira.

<sup>84</sup> Cwale, Ni bata kuli mulemuhe nto yeñwi yende fa, Ne ni sweli kuyala litaba za kale zaka fa. Jesu na bulezi kuli nali yena . . . na ipiza mupolofita wa musali. “Yena musali yani Jezabele, ya ipiza (ili yena) kuli mupolofita.” Cwale, mwa bona, kekeke ya Katolika ha ilumelezi sicaba sa yona kubala Bibeke kakuli ba bulela kuli muprisita ki yena fela anosi yakona kutoloka Bulimu bobutezi Linzwi lateni.

<sup>85</sup> Kihande, yeo kona toloko ya niti ya mupolofita. Mupolofita una ni toloko ye pahami ya Linzwi la Mulimu. Yeo luli ki niti. Mo mutu akona ku bizeza mutu, usili, “kuli mupolofita” mi kipeto abulele kuli, “bana ni sinulo ye fosahalile”? Kuswana fela sina kubulelela kuli bwana bwa Kuyakuile zeo halili za buhedeni, mwa bona. Mwabona? Mwabona, ki—ki zona . . . *Mupolofita* u talusa “musinuli ya swanela, bao Linzwi la Mulena lithahile ku bona, sinulo ya taha ku yena.” Linzwi le lili *mupolofita* litalusa “musinuli wa Linzwi le li pahami.” Jesu naize, “Haiba kuna ni alimuñwi mwahala mina yali wa moya kamba *mupolofita*, Na Mulena ni ka bulela ni yena. Mi haiba za bulela li to ezahala,

mu mu utwe, Ni na ni yena. Haiba li sa ezahali, kipeto mu si mu utwi.” Ku felile. Ne li lona—neli lona Linzwi le Lipahami la Mulimu, mi Linzwi la Mulena la taha kwa bapolofita.

<sup>86</sup> Cwale, ne ba bulezi kuli *keleke* ye kona kuli neli “mupolofita.” Cwale muhupule, i cincize kwa kuba Bunikolai bo cwale, se i cincize kuba “*musali*.” Mwa li bona nji? Ki “Jezabele.” Cwale, maabani busihu ne li “tuto ya Balami.” Mwabona, “tuto ya Manikolai” ni “tuto ya Balami.”

<sup>87</sup> Cwale, Balami ki yena yana ezize buhule ni Isilaele. Mi ki sikamañi sene ba—ba—ba ezize Manikolai? Ba eza kopano. Kona kuli mu li beye kaufela hamoho mi mu kaba ni *yena*, “keleke.” Luli! Sinulo 17, “Lihule lelituna le li inzi fahalimwa mezi amañata.” Musali, lihule. Ki sikamañi sali sona, kamba u ba cwani lihule he? U sweli kueza buhule, buhule bwa moya, ku shaela Linzwi kwa sicaba. Musabe kwa bufitelezi bwa tumelo boo! Yeo kona tumelo ye fitelezi. Yeo ki niti.

<sup>88</sup> Cwale, mwabona, u ipiza kuli mupolofita wa musali, “Ki luna shangwe! Ki luna katengo! Ki luna ba katengo ka Laodesia hape, katengo ka batu, mi lu iketezi *se*, ni *se*, ni sa *kuli*. Kona kuli mu lu utwe!” Kono . . .

<sup>89</sup> Yani—yani muprisita yomunyinyani kwanu ha na ni buza za Elizabeth Frazier, kamba musizana yani wa Frazier. Naize, “Mu—mu muluti ubata ku ziba haiba uka . . . kamba bishopu, haiba no kolobelize musizana wa Frazier.” Ali, “U sweli kuba wa Katolika.”

Na li, “Eehe, Na utwisisa seo.”

Ali, “Kana—kana no mu kolobelize?”

Se nili, “Eeni, sha.”

Ali, “U mu kolobelize cwani?”

Se nili, “Mwa kolobezo ya Bukreste.” Uh-huh.

Ki hali, “Kihande, u talusa sikamañi ka seo?”

Se nili, “Kolobezo ya Bukreste, ka mo ibulelela Biblele. Kuna ni ifela nzila iliñwi ya ku kolobeza ka yona ka kolobezo ya Bukreste. Mutu kaufela mwa Biblele na cimbekilwe mwatasi mezi ka Libizo la ‘Jesu Krete.’”

<sup>90</sup> A ñola fafasi, akala kuñola fafasi cwalo. Ali, “Wa ziba, keleke ya Katolika ne i ezanga cwalo.”

Se nili, “Lili?” Se nili, “Nina ni litaba za kale kaufela ze Ni konile kufumana, kuzwa kwa London ni libaka zeñwi kaufela.” Kuli Ni kone kubala hola ye hainze isutelela, ha ku ka ezahala sika. Hmm. Se nili, “Ni—Ni bata kuziba sibaka.” Ne ni kaya . . .

Ki hali, “Oh,” ali, “mwa Biblele.”

Se nili, “U bulele cwalo . . .?”

Ki hali, “Jesu na ongaongile keleke ya Katolika.”

Se nili, “Kana Pitrosi ne li yena pope wapili nji, nako yani?”

Ali, “Luli ki cona.”

Se nili, “Ne ni hupula kuli ‘keleke ne li ye yemi hande mi ne i si ka cinca, mi misa kaufela ya lisebelezo ne li ezahala mwa si Latin kuli li si ke za cinca.”

Ki hali, “Yeo ki niti.”

<sup>91</sup> Se nili, “Kihande, luli mu cincize kuzwa nako yani.” Se nili, “Haiba Bibeleyeo ki buka ya Katolika, kona kuli Ni Mukatolika wa kale.” Mwabona? Yeo ki niti. Se nili, “Ni Mukatolika wa kale he, kanti.” Mi se Nili, “Luli ne ina ni. . .”

Ki hali, “Kihande, cwale, mwa bona, Bibeleyeo ki litaba fela za kale za keleke ya Katolika.” Ki hali, “Mulimu u mwa keleke ya Hae.”

Se nili, “Mulimu u mwa Linzwi la Hae.” Yeo ki niti.

<sup>92</sup> “Linzwi la Ka halibe la niti, mi linzwi la mutu ufi kaufela libe buhata.” Mi mwa Buka ye ya Sinulo ki yona Buka fela inosi (Ha lu boneni ni kutele fateni.) yeo Jesu abeile tumelelo ya Hae ku yona. Mi nto yapili ya Na ezize neli kupatulula Bulimu bwa Hae, mi Wa eza cwalo ka kufelelela. Mi ali, “Mutu ya ka zwisa sika sifi ku Yona kamba ku ekeza sika ku Yona, ni za hae li ka zwiswa (siemba sa hae) mwa Buka ya Bupilo. U fuyozwi ya bala, kamba yena ya utwa. Mi ukutilwe ya ka ekeza sika ku Yona kamba ku zwisa sika ku Yona.” Ki fo he cwale, kona kuli mwabona siemba se si maswe ku sona. Kacwalo he musike mwa ekeza sika ku Yona; mu I tuhele fela ona cwalo mo I inezi, mi muzwelepili fela kuya.

<sup>93</sup> Moya u ka ku patululela Zona haiba u ka ikokobeza fela, u Mu kupe. Mwabona? Yeo ki niti. Cwale, kona kuli ha I si ka tatafala. Mulimu. . . Jesu na lumbile Ndate ka. . . kubulela kuli, “Na itumela ku Wena, Ndate, kuli U patezi litaba ze kwa meeto a baluti, ni ma bishopu, ni baika ba tumelo, baokameli babatuna, mi—mi u Li patululezi kwa limbututu ze kona kuituta.” Mwabona?

<sup>94</sup> Zeo kona ze mu bata. Ki sinulo ya Mulimu ye kona kutaha fela ka Mwa bulelezi mwani, “Kana batu bali ki Na mañi?”

Na ize, “Ki wena Kreste, ili Mwana Mulimu yapila.”

<sup>95</sup> Na bulezi kuli, “Simoni, no si ka ituta zeo mwa mukopano wa bulapeli. Mwabona? Hakuna mutu ya kile a kubulelela zeo. Nto yene tile, neli sinulo kuzwa kwa Lihalimu. Mi fahalimwa licwe leo Ni ka yaha Keleke ya Ka, mi minyako ya lihele haina ku I koma.”

<sup>96</sup> Yeo luli kona sinulo ya na amuhezi Abele kwa simuluho. Ki sinulo; neli kwani, isali sinulo, mi ikana iba sinulo nako kaufela. Yeo ki niti.



97 Cwale, lu fumana cwana fa kuli nali musali cwale, mi *musali* u yemela “keleke.” (Kana ku cwalo? Kreste u tahela sikamañi? Munyaliwa, musali, mwanjanjo ya kenile.) Mi musali muhulu fa, na ipulela kuba Keleke ya Mulimu; kono, sa nali sona, na apezi sifumu ni pulipela, ni lika kaufela, mi nana ni komoki ya masila a butanya bwa hae, kuli u nwisize malena a lifasi kaufela kwa veine ya hae. Kana ku cwalo?

98 Cwale, lu mu fumana fa kuli u bizwa “Jezabele.” Mi Jezabele, bumaswe bwa na ezize Jezabele, ha na bile fela ni mata mwahala ma Isilaele, aba bulaya ni kueza lika kaufela za na kona kueza, mi—mi ayaha tutala twa hae. Kana ku cwalo? Ona zeo kona ze ne ba ezize ba keleke ya Katolika. Yeo ki niti. Kono cwale ha lu baleni fapata nyana. Se si ka mi kokisa. Fokuñwi mubanga baba koka, mu ka ca zeñata nyana.

. . . ya ipiza *kuli mupolofita*, (Cwale, haiba a bulela kuli, “Kina mutoloki fela wa Linzwi.”) mi na luta ni *ku shemaeta batanga baka kuli baeze* buhule, . . . *kuli ba ce ze tabezwi milimu*.

99 Muzwale ya na buzize ka za “noha,” kaza “ku ca muselo mwa simu ya Edeni.” Mwa bona mo iinezi (Nji cwani?) ha Na bulezi kuli, “kuca,” fa. Seo nesili sona, neli za moya, mwa bona. Mi ni . . . ni . . .

*Mi Ni mufile sibaka sa kubaka kwa buhule—buhule; kono ha si ka baka.*

*Bona. Ni ka mu nepela mwa bulobalo, . . . (Ki bulobalo bwa mufuta mañi? Wa bulifasi. Ona cwalo kona sa li sona kacenu.) . . . mi baba eza buhule ni yena bakene mwa nyandiso yetuna, konji ha ba ka bakela likezo za bona. (Ko ki kukena mwa Nyandiso Yetuna.)*

*Mi . . . ni ka bulaya bana ba hae ka lifu; . . .*

100 Whoa! Sikamañi sa hae? Musizana yo nana ni bana. Cwale Sinulo 17. Ki ba bakai ba mina . . . ? Kaufela mina bene baliteni mo maabani busihu, Na sepa. Ku lukile. Sinulo 17, lona lihule la kale lee, keleke ya Katolika, na bizwa “lihule,” mi na li “mahe mahule.” Bao hailukeli kuba mashimani, ne bali *likeleke*.

101 Cwale ki kai kone kuli keleke ya ba Lutheran, bao kaufela ba zwile kai? Kana kopano kaufela izwelezi kai? Ki afi makalelo a yona, Laodisea? Manikolai mafelelezo ba pangeha mwa lika zeo; yeo luli ki nto yeswana hape. Hamukoni ku itiisa, muzwale. Oh, Elia na nyazize lika zeo mwa lizazi la hae. Joani na nyazize lika zeo mwa lizazi la hae. Eeni, sha! Mu si ke mwa kala kunahana mwahala mina kuli, “Luna ni Abrahamu kuba ndata luna: kakuli Ni bulela kuli Mulimu wa kona kuzusa bana ba Abrahamu kwa macwe aa.” Mwabona? Zeo ha li koni kufetulwa fela.

102 Cwale, nana ni bana. Kana Jezabele wa makalelo nana ni bana nji? Eeni, sha! Amuteezeze:

. . . Ni ka *bulaya bana ba hae* . . .

<sup>103</sup> Sikamañi? Keleke ya Katolika, bana ba hae kona kopano ya Baipanguli. Mwabona, luli ki yona, kakuli basweli kueza lika zeswana. Ba kolobelizwe ku yena ka kolobezo ye si ka luka, kolobezo ye si yo mwa mañolo; kuswalana mwa mazoho ka Moya o Kenile; “Ndate, Mwana, ni Moya o Kenile” mwa sibaka sa kuba ni “Jesu Kreste.” Ni kueza fela lika kaufela kushutana ni Bibebe. Niteni! Mi ba zamaya kukena hande ku zona.

<sup>104</sup> Mwana hae wa musizana na bizwa Athaliah, A-t-h-a-l-i-a-h. Nana ni wa hae . . . Yena, Jezabele, nana ni Athaliah yana nyezwi ku Jehoram, mwana wa mushimani wa Judah, mi cwanoñu tutala twa Balami ne tu yemi mwa Jerusalem. Cwale, ha mu lukeli kuya kwa litaba za kale za zeo, yeo ki Bibebe. Mwabona? Mwana hae wa musizana, Athaliah, a nyalwa ku mwana mushimani wa Jehoshafati, ya na bizwa Jehoram. Mi bana ba hae ba basizana baenza lika zeswana za na ezize.

<sup>105</sup> Oh, mawi! Mwa bona nji? Mwabona mo li ezelize likopano zeo, mizwale? Ba kutela hape ku Luther ni babañwi, ona cwalo fela, mi ba ikongakonga ili bona hamoho kufita kuli ba lumeleze Moya o Kenile. Mi Pentekota iezize ze swana ona cwalo. Ne ba si ka lumeleza Moya o Kenile kuya kwapili ni kuba ni nzila ya Ona, ni kuzwelapili; mi liseli kaufela la taha cwalo, mu li tatube fela ka Linzwi, ni ku zwelapili. Ne ba si ka lumeleza Moya o Kenile ku ba zamaise, ne ba ikezelize kopano ni ku ikaba kwa lika zeñwi kaufela ze ne ka taha mwateni. Ba kutela hape mwa lika zeswana mi ba nyalisana hape! Luli ki cwalo. Ha lu ka fita fa lusika loo, mu tokomele fela ze fosahalile mwa nzila mo. Mwabona? Ba nyalana hape ku zona! Jesu na bulezi kulo fa kuli, “Ba hae . . . Yena Jezabele yoo, u ipiza kuli ‘mupolofita,’ mi Ni ka mu nepela mwa bulobalo bwa lifasi, ni kubulaya bana ba hae hape” (Cwale, ki mufuta mañi . . . ?) “ka lifu.”

<sup>106</sup> Ki sikamañi sa . . . ki lifu la mufuta mañi le ba ka bulaiwa bana ba hae ka lona? Mwa bona kuli ba shwile cwale! Ka moya ba shwile! Ha bana sinulo! Ba ziba kopano ya bona, ba ziba katekiseza ka bona, ba ziba tuto ya keleke ya bona; kono ha li taha ku za kuziba Mulimu, babañwi ba bona hakuna ze ba ziba ka Zona sina Mbenezikai mwa sa zibeli busihu bwa Egepita; yeo ki niti, ha li taha ku za kuziba Moya o Kenile luli. Ba komoka; ba U biza . . . ba bata kubiza Moya wa Mulimu kuli “munuhi,” kamba “dimona,” ya . . . ka kulemuha mioya, ni lika ze cwalo, ni ku leleka mioya ye lunya. “Kiñi, ha ki wa siemba sa kopano ya luna. Sikwata sani, oh, brrroo.” Mwabona, fela ha ba zibi. Mi kipeto ba Li tamahanye ka—ka libizo la “Jesu Feela,” kamba mufuta omuñwi wa “mupikuluhi ya kenile,” kamba—kamba nto yeñwi ye cwalo. Fela ha ba zibi!

<sup>107</sup> Mi hola se i sutelezi foo taba yeo ha ita patululwa. Yeo ki niti. Mulimu uka li eza ka niti sina ha Ni yemi kwa mulaho wa

katala ka, kakuli Uka nyunga bana ba Hae kuzwa mwateni sina ha Ni yemi kulo faa. Mulimu mwa Lihalimu u ziba cwalo. Mu ni lumele kuba mupolofita wa Mulena, mutanga wa Mulena, mu ni teeleze. U sutelezi fa kaufi. Eeni, sha.

108 “Bana ba hae ba ka bulaiwa ka lifu la moya.” Amu ba talime: ba bata mi ba sihali hali. Amutalime kwa . . . amutalime fa . . . Ha lu lukeli kuambola ka ma Baptist ni ba Presbyterian, lu ziba kuli ba se ba shwile seli lilimo. Sikamañi . . .

109 Mi Luther hana bile ni ancafazo ya hae, kubeiwa baba lukile, haiba uka ba . . . Haiba na ka zwelapili, mwa—mwa muzamao wa Pentekota wo cwale ikaba keleke ya ba Lutheran. Liseli ne li nani kutaha ka kubeiwa ba balukile, nebana ni Wesley ya na latelezi. Na . . . Luther na si ka eza ze cwalo. Batili, sha, se li ma Lutheran ni kale.

110 Cwale he kwa taha Wesley. Mwa mulaho wa kushwa kwa Wesley, kona kuli ki sikamañi se si to ezahala? Ba onga-onga zani, mi ba eza ba Wesleyan Methodist, Primitive Wes- . . . oh, mifuta kaufela ya ba Methodist. Mwabona? Mi cwale . . . Ne bana ni ancafazo yetuna, kono cwale ha ba to kenya zeo mwa kopano, ki sikamañi se ne si ezahalile ha ku to taha Pentekota ya kubulela mwa malimi ni ku kutisezwa kwa limpo? Ne ba palezwi ku shenya; baba biza kuli ki madimona.

111 Cwale ki sikamañi se ba ezize Mapentekota? Ki nto yeswana yene ba ezize! Mi ba kai cwale? Ba shwile inge mapo ya kwa sikwalo. Eeni, sha! Yeo ki niti. “Ni ka nepela bana ha hae mwa bulobalo bwa—mwa bulobalo bwa lifu, ni ku ba bulaya.” Kihande, halu—halu boneñi nibale ili kuli mu si bone faa, Na lumela neli timana ya 22:

*Mi Ni ka mu nepela mwa bulobalo, mi ni bona baba ezize buhule ni yena ba ka kena mwa butata bobutuna, (mi—mi Nyandiso Yetuna) . . .*

112 Zeo kona ze ezahala. Cwale muhupule, ha lu boneñi ni yemele fa ka muzuzu fela, ona Nyandiso Yetuna yani—yani ye ka ba nepela mwani, ki bona batu bani ili balanjo baba lobezi bene ba sila oli mwa malambi a bona; kono niteñi ba fumaneha mwa kopano, sicaba sesinde, ba ya kwa keleke, lika kaufela; kono ba bata oli, kono ne se ku liyehile kale. Mwabona, ni ka mu nepela mwa Nyandiso Yetuna, u ka kena mwa lika zani, keleke ya Katolika ikena ku zeo, bana ba hae kaufela ba ka kena hamoho ni yena, mwa Nyandiso Yetuna.

*. . . ha ba sa bakeli libi za bona.*

113 Isiñi—isiñi bana ba bali mwahali mwani; kono keleke yona kasili, bao kona bana ba hae (ki kopano), isiñi batu babali mwateni, inge Makotolika baba shebile, ba Baptist, ba Presbyterian, kamba Mapentekota. Na ba utwela makeke. Fela, “Kihande, Na . . .”

“Kana u Mukreste?”

“Kihande, Ni wa Presbyterian.” Oh!

<sup>114</sup> Hakuna za kueza ka Zona kwanda kubulela kuli “kulube ni sipula sa kupahamela mbongolo neili mwa takano ya limbongolo.” Kona kuli ki sikamañi se muezha ka zona? Kiñi, hakuna zeñwi hape. Ne ni sa talusi seo ka lisheha, zeo . . . se ha ki . . . se ha ki sibaka sa kuezeza lisheha, se ki—ki sa Evangeli. Mwabona? Ne ni bata fela kuba mutala. Mwabona, kono sani—sani si lukile. Mwabona, ha bana sika—sika sa kueza ka Sona ni hanyinyani.

“Ni wa Pentekota.”

<sup>115</sup> Zeo halina sa kueza ni Zona ni hanyinyani. Wa kona kuba wa siemba sa likopano ze mashumi amane ni a ilebene za likopano za bona, kono kana u mwana Mulimu ya pepilwe sinca? Luli, kana ulata mutu kaufela ka pilu ya hao kaufela, ka moyo wa hao, mi u lata Mulimu, mane u cwalo zazi ni zazi . . . hakuna taba kamba mutu u eza sikamañi ku wena? Haiba u nyema ni kubulela kuli, “Humm!” inge saha ye njanja, si bonisa kuli Moya o Kenile u zwile ku wena, haiba ukile waba ni Ona.

<sup>116</sup> Amutalime:

. . . konji ha *bakele misebezi* yeo.

*Mi Ni ka bulaya bana ba hae ka lifu; . . .*

<sup>117</sup> “Bana ba hae,” ba Jezabele. Cwale, ki sikamañi sa na ezize Jezabele? Anyalisa mwana hae wa musizana mwa siyemo sisili (sa Judah) kulo kwani, mwani ku Judah. Cwale ha mu talime mutomo wa moya. Mwendu Na kona ku li ñola hande. Fa, mu tokomele taba yeo ka tokomelo luli cwale:

<sup>118</sup> *Kiyo* Jezabele, ni Isilaele. Kono ki yo *fa* Judah, mufuta o shutana kwa neku le, kwa neku leliñwi; yo ki *fa* Jehoshafati neku le. Ku lukile. Cwale, yo fa neli Akabe; cwale ki yo Jezabele fa sibaka *se*. Cwale, u tahile mwateni *mo* mi a kenya Isilaele kaufela mwa bulapeli bwa milimu.

<sup>119</sup> Ona seo kona sene iezize keleke ya Katolika kwa mulaho kwani mwa mazazi a yona fani Constantine ha kopanya Manikolai (sicaba se si bata se *kwanu*) kukena mwa—ku za—za mwa keleke ni buhedeni, mi baeza mufuta wa Bukreste bwa sihedeni. Ha ni lati ku holofaza maikuto a mina, sicaba sa Katolika, kono Na ikalabela fapila Mulimu. Ona zeo kona zeili keleke ya Katolika kihona, ki Bukreste bwa mufuta wa buhedeni: kuakaleza, ni maswaniso, ni lika zeñwi kaufela. Yeo luli ki niti, ki mufuta fela wa buhedeni. Cwale, yeo ki niti. Haiba Ni shwa ka ona muzuzu woo, yeo kona niti. Mi Baipanguli ba mwa nto yeswana luli, fela ki mwa katengo kasili.

<sup>120</sup> Cwale ha mu talime sa na ezize Jezabele. Mi, mwa bona, di—di diabulosi . . . Na li ya ipile hahulu, a nga bana ba ha baba sizana. Nana ni mwana musizana ya na pepilwe *kwanu*,

mi musizana yo aya ku muuna ya kenile yo *kwanu* ni kunyala mwana hae wa mushimani; ni kutisa nto yeswana *kwanu* kuzwa ku Jehoshafati, mwa siemba se.

<sup>121</sup> Cwale, Manikolai ba niti, ki Manikolai, liemba ze bata ze ne bata kopano yani, ba nyalana mwahala zona *kwanu*. Mi cwale mu lemuhe nto yeswana. Ba nga Jezabele *fa* (ba keleke ya Katolika), ni fafasi *fa* unga mwana hae wa musizana (likopano za hae) mi aba nyalisa ona kwani, mi u eza lika ze swana ku bona. “U bulaya bana ba hae ka lifu,” lifu la moya. Ba ikopanya ili bona mwa lifu, mi nto yapili mwa ziba, Moya kaufela u ile.

<sup>122</sup> Mu ni bulelele. Ha lu boneñi ni mi bunze nto iliñwi, mutu wa litaba za kale kaufela mo, mane Ni ziba kuli kuna ni baba ketalizoho kamba baba silezi ba mina baba inzi moo. Ni bata kuli mutahe mu ni tiseze Liñolo kamba—kamba palo ya—ya liraba za kale, ya likeleke kaufela ze kile za wa ni ku kutela mwa kopano ze kile za zuha hape ka ancafazo. Mu ni bulelele. Ha ne ba ikongakongile, kana ba kile baba ni ancafazo bamano ikonga konga? Batili, sha! Moya no ba siile. Ni beya mwateni ni Pentekota.

<sup>123</sup> Mi mbuyoti ya Pentekota ha iwa, kaufela mina ne mu bulezi ka malimi, mina sicaba sa kale, ka kuba ni Limbuyoti zetuna zeo za Pentekota ni lika zeñwi, ba wa. Kasamulaho mu ma no ba ni mukopano omutuna ono bizwa General Council. Tutengo tuiketile, kono isiñi katengo. Taba yapili mwa ziba, hamukoni ku li yemela, ne muna ni kukuta mwa mulaho kuba “mwana wa . . . Satani,” ni ku ikongakonga ili mina.

<sup>124</sup> Mi cwale Liseli leliñwi la taha, ka za Libizo la Jesu Krete. Mi se ba kakatela kaufela bona, mi bali, “Kufuyolwe Mulimu, haiba hamuna libizo la Jesu, mu ka ya kwa lihele. Mi luna ni Lona, haili mina hamuna Lona.” Ki sikamañi se ne ba ka eza? Ba shwela ona mwa mitala yani; ba panga katengo ku zona. Mwabona? Mwa sibaka sa ku lumeleza Liseli kuli li bube fela hande mwa keleke, ne li ka nga sibaka sa lona hande. Kono mwa ikonga konga ili mina. Ki sikamañi seo? Ki mwana Jezabele. Mi kaufela bona ba shwela, hamoho.

<sup>125</sup> Cwale Ni bata ku mi buza nto yeñwi. Kana ba Assemblies of God, kamba ba Oneness, kamba—kamba ufi wa bona kaufela akile a zuha mwa ancafazo yetuna ya kopano? Hakuna ni yomukana! Ancafazo ya mafelelezo ye sa zo fela fela yee, kuli Moya o Kenile wa taha fafasi fa nuka (buñata bwa mina ba bainzi fa cwale) ka 1933, ni sebelezo yetuna ya foliso ye ne ka ba kwani, yali, “Ika kwana lifasi kaufela,” mi ya li kuba itahe ka kopano ifi kaufela ye shutana. Mulimu a zwela kwande a likwenda mi a zusa buhedeni, cwalo, kuli akalise ancafazo yani. Mi amutalime se I ezize! Mwabona?

<sup>126</sup> Likoano zani, ba sa to kopana fela, bashwa. Na ize, “Ni ka bulaya bana ba hae ka lifu.” Oh, mawi! Na ziba mwa . . . Shangwe

musike mwa utwa bumaswe, kono Na. . . Haina Ni ziba taba ye mi ha ni I buleli, Ni muipi ya mwatasi hahulu, mi Mulimu uka ni fa mulatu ka Zona. Ni bata kuba sina Paulusi, “Kuli ni sike na mi patela za mulao kaufela wa Mulimu.” Yeo ki niti. Ku lukile. Ku lukile.

<sup>127</sup> Cwale, mi ba yaha tutala mwa Jerusalema. Cwale Ni bata kubona. . . Mi cwale Jezabele ha nyalwa ku Akabe, ataha ni maswaniso kuli Isilaele ikubamele. Ki mo ne iezelize ni tuto ya Manikolai, kunyalela mwa buhedeni; ba tulukisa Jupiter, b abeya fateni Pitrosi; ni Venus, kubeya Maria; mi sina Bibebe haibulela, “A eza kuli Isilaele aeze sibi.”

<sup>128</sup> Kona ni keleke ya Katolika mo i ezelize kwa bana kaufela ba basizana kuli ba nyalelwe mwa kopano, mi taba kaufela ki sibi, inge Jezabele ku mwana hae wa muzizana. Ku lukile. Mi ka kueza cwalo ha ne ku tomilwe mundandwe wa litulo, ni Pope Boniface—Boniface III anga sipula sa hae, mi nebana ni—ni mulimu wa maswaniso fa lubona, ne ba sina tuso ku za kolobezo ya Moya o Kenile mwa keleke. Yeo ki niti. Ba ikungela lituto za milapelo za bona, ni zeñwi cwalo.

<sup>129</sup> Mi cwale kopano ha i to amuhela lituto za litapelo ze swana, ba hatikela tukuluho ya Moya o Kenile kwa keleke, Baptist, Presbyterian, Methodist, ni zeñwi cwalo. Ne ba ezize ona cwalo! Mi hanyinyani cwalo lwa ba bona ha ba nyana ni kushwa sina Jesu mwa na bulelezi ka za kota. Cwale, Moya o Kenile kaufela mwa lisupo ni ze komokisa ne li beilwe mwa lizazi la kwa kale. Mi ha se ba fumile, sina mwa na inezi. Ka cwalo a eza kuli lifasi kaufela likene mwa sibi, kakuli u ile mwa naha kaufela, yena ni bana ba hae ba basizana. Yeo ki niti.

<sup>130</sup> Cwale amu Mu bone ha bizezwa mwa lusika lusili lwa keleke cwale. Amu Mu bone ha mu biza. Mu Mu bone ha mu kupela kwa mafelelezo kwanu, ni kunga Bomasialeti ba Hae, “ka libaka la Baketwa,” ba balikani fela, kuli hakuna nama ye ne ka piliswa haiba. . . babañwi nya.

<sup>131</sup> Sina ha ku ñozwi mwa Sinulo 13:6. Mu tabela kufita ku yona fa muzuzu fela? Fa Na bulezi kuli Uka. . . yani “Musali yo u tiselize kaufela ku amuhela nombolo (mo ne si ezelize sibatana se), sa eza kuli kaufela ba amuhele nombolo (kaufela babotana, ba batuna, kamba neli mañi kaufela), nombolo ya sibatana,” ye neli Keleke ya Roman Catholic.

<sup>132</sup> Ikana yaba sani kamba ne ba ezize siswaniso. . . Sinulo 13:14, ba ezeza sibatana siswaniso. Mwa—mwa. . . Ni sepa mina kaufela mwa mubalile fateni zeo. Haiba ha mu si ka bala, kiñi, lu ka kutela ku yona ni ku ibala. Sinulo 13:14:

*Mi sa puma baba yahile mwa lifasi ka limakazo ze si filwe mata a ku lieza fapila sibatana; (Zeo kona kutamahana kwa keleke ye.) . . . a kulieza fapila sibatana; sa bulelela ba bayahile mwa lifasi, kuli ba*

*si ezeze siswaniso sibatana, se ne si tabilwe ka lilumo (buhedeni) . . . ne si tabilwe ka lilumo, mi si pilile . . . (ka bu pope, Rome ya buhedeni kuba Rome ya bu pope. Mwabona?)*

133 “Ba mu ezeza siswaniso.” Ikaba sikamañ? Kona ze ba sweli kueza cwale, ona cwalo fela, ba kena mwa tamahano ya likeleke ze, “Likeleke kaufela ki za kopano ye, kaufela zona li ya mwa sikwata silisiñwi.” Cwale ba sweli kubapa Bibebe. Mi Pope John u ba memile kaufela bona. Bishopu yomutuna wa Canterbury, kaufela inge ba potoloha. Nto yapili mwa ziba, nto yateni kaufela ikutela kwa kuba *Me*, kakuli ki mahule ka kukala. Mwabona? Ba li, “Kaufela luna lu ikopanyize mwa nto iliñwi yetuna ya kulwanisa Swalisano.” Mi ha ba zibi kuli ki Mulimu ya tisize Swalisano (Na kona kubonisa seo ka Bibebe ye.) mane nihaiba kubeya mwa minahano ya bona ku yolisa ba bakenile, ka za mali o ne ba suluzi mwa lifasi. Mulimu na onga ongile Swalisano ka mukwa o swana fela sina mwa Na ezelize Mulena Nebukadinezare kwa—kwa kushapa Isilaele. A tisa Swalisano, mi zazi leliñwi u ka fiyela Rome kuzwa fa mata. [Hakuna manzwi fa tepu—Mu.] Yeo ki niti. Mulimu na bulezi cwalo. Yeo ki niti.

Na nyaza swalisano; ki kulwanisa Mulimu. Luli ki cona. Kono musike mwaiseza hahulu ngana kwa Lisila la Sipi leo, kono mu tokomele lisila le li seta leo. Mubale *Foxe’s Book of Martyrs* mi mu ka bona nto ye, yeo ilukile.

134 Cwale halu boneñi fo lu . . . Mi cwale mu ka bona fa kuli utiselize kaufela (bafumi, babotana) ku amuhela nombolo; kono kuna ni sitopa silisiñwi sa si ke a ngunyuta. Mwa ziba cwalo? Sinulo 13: . . . 8.

135 Amuteezeze ku se. Ha lu boneñi ni bale se:

*Mi Na yema fa lishabati na liwate, mi na bona sibatana ha si cimbuka mwa mezi, se si na ni litho ze sebene ni manaka a lishumi, . . . fahalimwa manaka . . . mishukwe, mi fahalimwa litho nekuna ni libizo la bunyefuli. (Ao ki malundu a sebene; ne lu talimile kaufela zona maabani busihu, mwa ziba.)*

*Mi sibatana so boni ne si swana sina ngwee, . . . mahutu sina—sina bere, mi mulomo wa sona . . . mulomo wa tau: mi dragoni (Ya nali diabulosi yo mufubelu ya na yemi fapila musali kuli a bulaye mwana, yanali Rome, kaufela lwa ziba.) . . . mi a mufa . . . mata, mi sipula sa hae, ni mata amatuna.*

*Mi Na bona iliñwi ya litho za sona kuli iholofezi; (buhedeni, mwabona) . . . mi sitombo sa sona sa fola: (bu pope bwanga sibaka sa bona, ku kopana ni Bukreste, ni Manikolai) . . . mi lifasi kaufela la komoka sibatana.*

136 Bukatilika bu kwanile mwa naha kaufela mwatasi lihalimu. Yeo ki niti. Sina Daniele ha na bulezi ka za sipi ha ikopana ni lizupa, ni zeñwi cwalo.

137 Mi Ni ka mifa nto nyana ku zeo, kaza “sipi ni lizupa.” Kana mu lemuhile, kamba Ni kile na mi bulelela zona, mwa mukopano omutuna wa mafelelezo o ne banani kwani koo Khrushchev ha tubula likatulo la hae ni ku li nata fa tafule? Nekuna ni linaha ze ketalizoho za kwa upa ze ne kopanezi kwani, nekuna ni linaha ze ketalizoho za kwa wiko. Khrushchev na busa linaha ze ketalizoho za kwa upa, Eisenhower na busa linaha ze ketalizoho za kwa wiko; ki bao baeteleli babatuna bababeli, minwana yemibeli yemituna ya kwa mahutu. *Khrushchev*, mwa si Russia, italusa “lizupa.” *Eisenhower*, mwa Amer-. . .mwa Sikuwa, italusa “sipi.” Lu kwa maungulo.

*Mi ba lapela dragoni ye ne file mata kwa sibatana: mi . . . (Leo kona liñusa la luna le litatama mo mwa tabernakele, mwa utwisisa.) . . . mi ba lapela sibatana, ba li, Kimañi ya swana ni sibatana? mi ki mañi yakona kulwana ni sona?*

138 Mwa manzwi amañwi, mutalime kwanu. Eisenhower una—una ni libizo le lituna mo mwa United States ye, kono mwa Rome ha ki sesiñwi; Russia, ha ki sesiñwi. Khrushchev ki yomutuna mwa Russia, kono mwa United States ha ki sesiñwi. Kono kuna ni muuna alimuñwi yali yomutuna kai ni kai, yoo ki yena pope yani (Yeo ki niti.) “Ha lu ikongakongeni hamoho, ni kutaha hamoho.”

*Mi sa fiwa mulomo wa kubulela lika zetuna . . . za kunyefula; . . . sa fiwa mata a kubusa likweli ze mashumi amane ni amabeli.*

*Mi sa kwalula mulomo wa sona ni ku nyefula Mulimu, (mi “uluta batu lituto za litaelo za batu; baba inuneka, ba ikangabeki, baba lata mikiti; baba na ni mubonahalelo wa bumulimu, inge ba hana Mata ateni”) . . . mi sa nyefula libizo la hae, (Sanga “Ndate, Mwana, ni Moya o Kenile” mwa sibaka sa kuba “Mulena Jesu Krete.” Mwabona.) . . . mi tabernakele ya hae, ni bona baba yahile . . . mwa—mwa lihalimu.*

*Mi sa fiwa mata a ku lwanisa ba bakenile, (kwa taha nyandiso mwateni) . . . ni ku ba koma: mi sa fiwa mata fahalimwa mishobo kaufela, . . . mishobo, ni linaha.*

*Mi kaufela baba yahile mwa lifasi—lifasi ba ka si lapela, be mabizo a bona ha si ka ñolwa mwa buka ya Ngunyana ye tabilwe haisamba lifasi l litomwa. (Oh, oh, oh, oh, oh, oh, oh, oh.)*

139 “Mutomo wa lifasi.” Mabizo a luna, haiba ba kile baba mwa Buka, ne ba beilwe teñi kwa mulaho kwani. Jesu naize, “Hakuna yakona kutaha ku Na konji haiba Ki Ndate ya mu bizize pili, mi



bao kaufela Ndate a Ni file ba ka taha ku Na. Lingu za Ka liutwa Linzwi la ka,” (Se kona Sico, mwabona.) “ni muenyi . . .”

140 Konakuli ukona kubulela kuli, “Kihande, Ni ikopanyize fela kwa keleke, Ni yomunde sina mina.” Zeo ha ki Lico za lingu.

141 Kize Lico, “Lu inzi hamoho mwa libaka za Mahalimu ku Kreste.” Oh, Ki yomunde! Nji Ha cwalo? Ku lukile.

142 Cwale ha lu fezeñi kapili kakuli ki, eehe, nako se ifelile cwale. Ku lukile. “Kono Ni li . . .” Ha lu boneñi cwale, Ni na ni timana ya 23:

*Mi Ni ka bulaya bana ba hae ka lifu; mi likeleke kaufela li ka ziba kuli Kina ya tatuba liteka ni lipilu: mi Ni ka fa ku mutu ni mutu wa mina kuya ka misebezi ya mina.*

*Kono ku mina Ni li, mi ku baba siyezi mwa Tiyatira, buñata bwa baba sina tuto ye, . . . (Neli tuto ya mufuta mañi? Kopano, ma bishopu, ni ma bishopu babatuna, ni ma pope, mwabona.)*

143 “Ya sina tuto ye.” Cwale, Bibehe, lu fumani maabani busihu kuli Isilaele, kutaha ka Moabi, ne ba si naha. Ba pila fa lifasi, mi ne bali sicaba, se si lukuluhile. Kana ku cwalo? Ki mufuta; ku shimbuluka kwa ni kwa, mulelo ni zeñwi cwalo. Likwata za mapentekota ki lika ze swana, pentekota ye swana, ku shimbuluka sibaka ni sibaka. Mwabona? Ku lukile.

*. . . mi kana tuto ye hanili (kono ba ikonga kongile ni kueza katengo kakatuna, ni kueza kopano yetuna ku yona). . . ye sina nto ye . . . mi baba si ka ziba butungi bwa Satani, . . .*

144 Cwale muhupule kuli lufumani fo ne kuna ni sipula sa Satani. Maabani busihu ne lu mu kalile kwa simuluho. Ki kai ko ne kuinzi sipula sa hae kwa simuluho? Babilona. Mi Babilona . . . Hakuna ni—ni mundandwe wa litulo, mulena wa muprisita wa Babilona, na batiwa ka kukoma Makalade, a taha kwa Pergamosi mi a toma sipula sa hae. Mwabona, a shimbuluka sipula sa hae kuzwa mwa naha ya Shinari kuya kwa Pergamosi. Ne lu balile zeo busihu bwani mwa litaba za kale maabani busihu. Mi cwale akalela kwani, apanga keleke ya Katolika, ye sa li mahe wa Babilona. Ku lukile, “Sipula sa Satani.”

*. . . mi sipula sa Satani, sina mo ba bulelela; Hanina ku beya mutiyo o mukana ku mina.*

145 “Hakuna kuba mutiyo ni hanyinyani; ki ze munani kale fela.” Sikwata nyana se sili mwateni, mwabona, se si kashelizwe mwa Lusika lwa Lififi. Cwale se li bukaufi ni myaha ye mianda ye fifitini ye ba fitile ku zeo.

*Kono so nani uswale katata kufitela Ni taha. (Mwa manzwi amañwi, “Muna ni Mbuyoti ya Pentekota niteni mwa lipilu za mina. U swale seo kufitela Ni taha ku to*

kufa pumulo ya hao, kwa lusika lo lutatama loo mwa nako ye taha.”)

*. . . ya tula, ni kubuluka manzwi aka kuisa kwa mafelelezo, ki yena ye Ni ka fa mata a kubusa linaha:*

*Mi uka busa ka mulamu wa sipi; mi sina pizana ya mubupi ba ka lubiwa mwa liemba emba: sina mo Ni amuhelezi ku Ndate.*

146 Mwa bona, Keleke yani, ku kaba cwani Keleke ya Lusika lwa Lififi yani ha ika yema mwa katulo kuatula sikwata sa bahedeni sani ba . . . kwa mulaho kwani? Kana ba ka pikuluswa fafasi! Mahutu a sipi ani aka hatikela mwahali mwani, Na mi bulelela! “U ka ba lubaka mwa liemba emba,” ki Bibebe ye bulezi.

*Mi Ni ka mufa naleli ya kakusasana.* (Mwa ziba seo ili sona, nji cwani? *Kreste* ki yena “Naleli ya Kakusasana.” Ku lukile.)

*Ya na ni lizebe, a utwe seo Moya u si bulelela likeleke.*

147 Oh, mawi! Ha mu sika taba nji! Se li busihu nyana. Ni na ni zeñata nyana, Ni ka li talima mwendi kamuso busihu, fa myaha ye likiti zepeli yani.

Kono ki Yena Mulilima wa mwa Musindi,  
 Ki Naleli Yebenya ya Kakusasana,  
 Ki yena yomunde hahulu mwahala baba likiti  
 zelishumi mwa moyo waka;  
 Mulilima wa mwa Musindi, ku Yena fela Na  
 bona,  
 Kaufela ze Ni tokwa . . . ni u ni folisa kakutala.  
 Mwa maswabi ki Yena mbombolelwa yaka,  
 mwa butata ki Yena maino aka,  
 U ni bulelela ku nepela lipilaelo kaufela ku  
 Yena. Haleluya!  
 Ki Yena Mulilima wa mwa Musindi, ki Naleli  
 Yebenya ya Kakusasana,  
 Ki yena yomunde hahulu kufita baba likiti ze  
 mashumi mwa moyo wa ka.

148 Kana mwa Mu lata nji? Oh, Na fela:

Na Mu lata, Na . . . (Cwale ha lu Mu lapeleñi  
 cwale, Manzwi ao kaufela a holofaza a  
 Liñusa.)  
 Kakuli U ni latile pili  
 Ni kuleka puluso yaka  
 Fa kota ya Kalvari.

149 Kana ha Ki yomunde! Na Mu lata. Cwale, lika ze Ni palelwa kufita ku sona, likaba mwa libuka, eeni sha, kakuli ha lukoni kutisa lusika lwa keleke kaufela mwa busihu bulibuñwi. Ni i kusufalize nyana fela busihu boo, bakeñisa kuba ya silezi linzwi nyana. Kono, oh, ha Ki yomunde nji! Oh! Hmm!

Kuna ni batu kwa libaka kaufela,  
 Be lipilu za bona za cisa,  
 Ka mulilo o no wile la Pentekota,  
 O ba kenisize ni ku ba kenisisa;  
 Oh, wa tuka cwale mwa pilu yaka,  
 Oh, kanya kwa Libizo la Hae!  
 Ni tabile hahulu kuli Ni kona kubulela kuli Ni  
 alimuñwi wa bona.

Oh, alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!  
 Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona. (Mutabile nji?)

150 Ni hupula ha ni zwa kwa Chattanooga busihu bobuñwi; mi fulai ya lula kwa—kwa—kwa Tennessee, ona kwa Memphis kwani. Ba ni beya mwa hotela yetuna, kwa sibaka kwani. Mi ba ni biza, bali, “Fulai ika zwelela kwa—kwa kwateni ka sebene kiloko, kakusasana otatama.”

151 Mi Ne ni sweli kuisa mañolo ku yo a beya mwa poso; ha ni kuta kwa ndu, o ne ni ñolezi balikani baka babañwi. Mi ha ni kuta cwalo, Moya o Kenile wa li, “Zwelapili kuzamaya.” Na zwelapili fela, ku yo punya kwa sikiliti sa batu babansu.

152 Ne ni yemi kwani, Na hupula kuli, “Mawi! Talima kwani, seli nako kuli fulai yani ifunduke.”

153 Mi Moya o Kenile wa zwelapili kubulela kuli, “Zwelapili kuzamaya.” Inge fela mwa Na ezelize mwa mushitu zazi leliñwi kwa mulaho kwani, mwa ziba. “Zwelapili fela kuzamaya.” Ka cwalo Na zwelapili kuzamaya.

154 Na to talimela fahule fale, ku iliñwi ya tundu totunyinyani twa batu ba bansu bani mo ne bapila, babotana, kwa neku lani. Musali muhulu *Aunt Jemima*, wa matakanyani, ni hende ya mushimani inza tamile taulo ka yona kwa toho, inza yendamezi fa . . . ona cwalo.

155 Mi Ne ni sweli kuzamaya cwalo inge ni opela:

Ni . . . alimuñwi wa bona, Ni alimuñwi wa  
 bona,  
 Ni tabile hahulu kuli Ni kona kubulela kuli Ni  
 alimuñwi wa bona, Oh, Haleluya! (“Mi kana  
 U bata sikamañi, Mulena?”)  
 Alimuñwi wa bona, Ni alimuñwi wa bona,  
 (Kana mwa lumela mwa ku zamaiswa ka  
 Moya? Eeni, luli.)  
 Ni tabile hahulu kuli Ni kona kubulela kuil Ni  
 alimuñwi wa bona.

156 Se kubile lilimo ze lishumi ni zene kwa mulaho cwale. Na sweli kutalimela fabuse bwa lukwakwa. Ne ni li bukaufi, oh, neli liñokolwa fela za kubala kuzwa ku yena, mi Na bona mucembele yo, yo munsu ali ku ni talimela cwalo, mwa ziba. Kihande, Na zwelapili fela ku zamaya, na tuhela kuopela, na kala kuya kwateni cwalo. Na sutelela bukaufi ku yena, miyoko yeñata ya buba fa malama amakima ani; a ni talimela, ali, “U zuhile, Mukutazi!

157 Na fetuha, se Nili, “Mu zuha cwani, Auntie?” Mi ki hali . . . Na fetuha, na sweli kuseha, nana ni lumenyo lo lutuna fa sifateho sa hae. Se nili, “U ni zibile cwani kuli Ni mukutazi?” Kwani kwa Mboela, mwa ziba, mukutazi u bizwa “*parson.*” Ali . . . Se nili, “U ziba cwani kuli ki Na parson?”

Ki hali, “Ne ni ziba kuli no taha!”

Mi se Nili, “U ziba cwani zeo? Kana wa ni ziba?”

Ki hali, “Batili, sha.” Mi ki hali, “Ni ziba kuli no sweli kutaha.” Ali, “Kana u utwile likande ka za musali wa kwa Shuneme?”

Se nili, “Eeni, sha.”

158 Mi ki hali, “Kihande,” mi ali, “Na kina musali wa mufuta ya cwalo.” Ki hali, “Mi Mulena ani fa mbututu, mi Na mu bulelela nali . . . na Mu bulelela kuli Uka mu zusa.” Ali, “Ni musali wa mubotana. Ni tapiseza makuwa linyana ili fo ni ipiliseza.” Ki hali, “Mi A ni bulelela kuli A—A ni fe mbututu, mi Na Mu bulelela kuli Ni ka mu zusa.” Ali, “Ni mu hulisize ka mo Ni zibela, kono” ali, “Parson, a kena mwa sango se si maswe. A kenelwa ki butuku, mi hakuna se ne lu ziba ka zona.” Ali, “A fita fo ku maswe hahulu. Mi usweli wa shwa, mwahali mwani fa mumbeta.” Ali, “U bile mwa koma cwale, mazazi amabeli.” Ali, “Dokota muuna yani natile mi ali, ‘Ne li cile pilu ya hae ni lika zeñwi cwalo, bwa kena mwa mali a hae, maswe maswe mane bwa mu kulisa; kona kuli mulyani o ba mu file ha u mu tusi sesiñwi cwale.’” Mi ali, “Wa shwa.” Ki hali, “Ha ni koni ku mu talima fela inza shwa cwalo, ali muezalibi.” Mi ali, “Ni lapezi mi Ni lapezi,” ali, “busihu kaufela Ni lapezi.” Ali, “U mwa koma, hakuna sa a ziba.” Ali, “Ha si ka cinca ka mazazi amabeli.”

159 Ali, “Ni lapezi, Ni ize, ‘Mulena, U ni fe mbututu yo mi ali, ‘sina Mo no ezelize ku musali wa kwa Shuneme.’ Ali, ‘U kai Elia wa Hao? Ukai kana . . .?’ Ali, ‘Kihande, sikai—sikai sa ku ni tusa?’”

160 Mi ali, “Na wa ka mañwele.” Mi ki hali, “Mulena a mbola ni na, mwa tolo,” mi musali ali, “‘Zamaya u yo yema mwa munyako. Mi kuna ni muuna ya ka taha mwa mukwakwa, ya apezi kuwani nyana, kuwani ye seta ni suti ye nsu.’ Ki hali, ‘u ka ambola ku wena.’”

161 Mi ki hali, “Ni yemi fa li si ka pazula kale.” Mi mukokoto wa hae no kolobile bakeñisa puka. Mi ki hali, “Mi Ni ku boni unzo taha mwa kuwati ye seta yeo,” ki hali, “kono no lukela kulwala mukotana nyana.”

162 Se nili, “Ni u siile mwa hotela.” Mwabona? Mi se Nili, “Mushimani wa hao wa kula?”

Ali, “Wa shwa.”

Se nili, “Libizo laka ki na Branham.” Se nili, “Kana wa ni ziba?”

Ki hali, “Batili, sha, Parson Branham, Nali—Nali kuba ni utwe za hao.”

Se nili, “Ni lapelelanga bakuli.” Na sa tabeli ku utwa zeo. Na sa bati kuli mushimani wa hae a shwe, ali muezalibi.

163 Na kena mwahali; nebana ni munyako wa kale kwani ni si kiiso sa sikekele inge si lepelela kwateni (mwendi buñata bwa mina ba kwa Mutulo hamu zibi kuli ki nto mañi yeo), kono, ka kubeya sikwalo sinze si kiilwe. Mi Na kena mwa ndu, mwa libaka, zenyinyani, za kale, libaka zepeli (ne ka bonahala sina nto yenyinyani . . . se lu biza kuli kandu “ka tobolo yenyinyani”) cwalo, naina fani; kuna ni sibaka nyana *mwateni*, mi sani ki ndandulo, musiyo, mane lika kaufela; ni situngu kwa mulaho *kwani*. Ha Ni kena mwahali . . . Ne li sibaka nyana se si pentilwe busweu, mi sesinde, se si kabisizwe hande kushetumuka fafasi, ni kabati. Kona kuli . . . Batili, Ni lumela na beile pepa ya mubala o munsu fa situwa sa hae, Na hupula kubona maloteli amatuna ani, a swana sina puka, inge a lota fateni.

164 Mi cwale ha Ni kena, nekuna ni sisupo se ne si lepelela fa sikwalo fani, sene sili, “Mulimu Fuyola Lapa la Luna.” Mwa lilulu mwani nekuna ni mumbeta mwateni, ni omuñwi neku le. Ne ku lobezi mutangana yomukima (nekusina nihaiba lisila fafasi), mushimani yomukima, mucaha yana bonahala hande nali kuyema fani. Na sepa na na . . . ni bukiti bo bulikana lipaundi ze sebente kamba eite, bukaufi ni liñokolwa ze silezi kwa butelele. Mi inga sweli kubo mwa lizoho la hae, inzatonga, “Uhm. Uhm.”

165 Mi ki hali, “Mbututu ya latwa ki mahe.”

166 Mi Na hupula kuli, “Mbututu ya latwa ki mahe.” Mi kanti nana ni—nana ni butuku bwa butanya, sifilisi. Mi na—na kushwa.

167 Mi a mu tubeta fa pata, ni ku nata nata cwalo, ali, “Mbututu ya latwa ki mahe.”

168 Kiñi, pilu ya ka ya luluha fela. Na hupula kuli, “Eeni, hakuna taba kamba u mwa sibi cwani, u sa li mbututu wa hae.” Ki ha Ni hupula kuli, “Mwabona, hakuna taba kamba nali ya maswe cwani, u sa li ‘Mbututu ya latwa ki mahe.’” Mi Na hupula kuli, “Mulimu naize, ‘Me wa kona kulibala mbututu wa hae ya nca;

kono Na hanina ku ku libala, kakuli libizo la hao li ñozwi mwa lizoho la Ka.” Mwabona? Likona kuba cwani!

169 Na talima muhalalehi wa mucembele yani inza zamaya kwani. Ne mu ka bona kuli, muzwale, na sina sika ni se si kana mwa ndu ya hae; kono nana ni sesiñwi mwa ndu seo ndu kaufela mwa Indiana kamba kai kaufela ilukela kuba ni sona ku yona; seo ki Mulimu. Ni tabela kuba ni seo kufita kuba ni maswaniso a beilwe kwa limota a basizana, ni matapa ao kaufela, lika ze swabisa. Bibeleya kale inge I beilwe fani cwalo, makepe a kale inge aputani putani mwahala Yona.

170 Na mu talimela. Mi ki hali, “Mukutazi u ti lo ku lapelela, mulatiwa.”

171 Ali, “Uhm. Uhm. Lififi. Uhm.”

172 Mi se Nili, “U bulela sikamañi?”

Bomahe bali, “Ha zibi. Dokota wa muuna ubulezi kuli, ‘U lyangani mwa toho.’” Ali, “U nahana kuli u inzi mwa liwate lelituna kokuñwi, mi usweli kufuluha mukolo, mi u latehile.” Mi ali, “Kona ha Ni sa koni kuyema, Parson: ka kuziba kuli mbututu waka wa shwa, inza latehile.” Mi bomahe bali, “Ni ziba kuli u ti lo ni tusa, kakuli Mulena u ni bulelezi kale cwalo.”

Se nili, “Ni ka mu lapelela,” mi se Nili, “mwendi Mulena uka mu folisa.”

173 Na sa tabeli ku utwa zeo, na bata fela kuli azuhe ni kubulela kuli u ‘pilisizwe.’ Ku felile, inge fela kuli u pilisizwe. Hakuna taba, una ni kuya kupale ku mane, kacwalo, fokuñwi; haibile fela na piliswe! Oh, haiba lukona fela kuba ni mubonelo o cwalo! Ona Munzi wa Kuyakuile wani kwabuse, na ziba kuli u ka pila ni yena hape ka nako yeo.

Ali, “Haiba Ni kona fela ku mu utwa ha bulela kuli u ‘pilisizwe.’”

Se nili, “Ha lu inameñi.” Mi musali a kubama. Mi Na swala fela kwa mahutu a hae, mahutu a hae na batile luli mi na lamatela. Mi ne Ni si ka kona kuhoha fateni likubo zani, kubo—kubo yeyinyani ye ne ba mu apesize bomahe kwani; mi kona yana nani fela mwa sizuma sa hae, mwa ziba.

174 Mi kacwalo yena . . . Mi na sweli kuhoha kwatani iliñwi, na sweli ku nahana kuli na inzi mwahala zona. A iswala, mi na nahana kuli na sweli ku fulula lilabo. A zwelapili kubulela kuli, “Ku unsufezi. Uhm. Uhm. Ki lififi luli.” Kona kuli alika ku ambola ni yena; mi usweli fela kubulela, “Ku unsufezi mi kwa bata,” inza sweli fela kuhoha.

175 Mi Na—Na mu talimela hanyinyani, mi a kubama fafasi fani, mi se Nili, “Auntie, lu etelele mwa tapelo?”

Musali ali, “Eeni, sha.”

176 Yena fela, mi Na, ni mushimani, ni Moya o Kenile mwa sibaka, ki lika kaufela. Muhalalehi wa mucembele yani a lapela. Mawi! Ha na ambola ku Yena, mu ka ziba kuli na ambozi ni Yena fateni. Eeni, sha! Na ziba ya na ambola ku yena. Mi hali, “Mulena, Ha ni zibi So ka eza,” ki hali, “kono lika kaufela li inzi fela ka mo U bulelezi.”

177 Oh, mawi! Oh! Ni tabile hahulu, Ni tabile hahulu U sa li Jesu ya swana ni kwa mulaho kwani ku babakenile ba kale. U sa li ya Jesu ya swana ni kacenu.

178 Mi ne Ni si ka mu buza ka za bulapeli bwa hae, kamba nali wa Baptist, Pentekota, kamba sikamañi. Wo ne si musebezi wa ka. Ne ni—Ne ni sweli fela ku latelela Moya o Kenile, mi na sweli kueza lika zeswana. Ne lubata kuziba sa Na ka eza.

179 Kacwalo lwa kubama, mi akala ku lapela. Ha to feza kulapela, a yema ni ku tubeta toho ya hae, ali, “Mulimu, fuyola mbututu wa ka.”

180 Mi cwale ki hali, “Kikuli u ka lapela cwale, Parson?”

181 Mi se Nili, “Eeni, ima.” Mi ona fani neli kwa ma hafu eiti, mwendi mizuzu ye fifitini kuli naini ikwane, mi ne Nili mwahali. . . limaili zepeli kuzwa mwa sibaka sani, mi—mi fulai ne inanuha ka sebene kiloko; mi Ni sa zibi kuli ni ka zwa nako mañi mwateni.

182 Koan kuli Na beya mazoho aka kwa mahutu a hae, Se nili, “Ndate yakwa Lihalimu, Ha ni utwisisi taba ye. Mi Wena. . . Ne—Ne ni swanela ku funduka ni fulai nako yefitile, bukaufi ni licika la hola ni licika la hola kwa mulaho. U zwezipili kubulela fela kuli, ‘Zamaya,’ mi ye kona nto inosi fela ye Ni fumani kwateni. Mi musali ali Wena. . . na ni boni inge ni sa taha. Haiba yo—haiba yo ki Wena, Mulena, kona kuli ha Ni zibi sa kueza kwanda bubeya fela mazoho aka ku mushimani.”

183 Mi naize, “Oh, mama,” ali, “se kuna liseli mo cwale.” Mi mwendi ka mizuzu ye ketalizoho kuzwa fani, na yemi kwa neku leliñwi la mumbeta, ni mazoho inza swalelezi bo mahe.

184 Na zwela fande, na mata mi na yo kwela ka mota ka cab, ni ku matela kwa hotela ku yonga putumende yaka. Mi na hupula kuli ne Ni ka yo libelela fela, mwendi ne ni ka libelela zazi mutumbi kamba amabeli mwa linako zani. Mwa ziba mo ne kubelanga tata ku kwela fulai mwa linako zani kasamulaho wa ndwa, kacwalo Na hupula kuli, “Ni ka libelela mazazi amabeli cwalo.”

185 Mi Na kena mwa mota ya cab ni kumatela kwateni, kwa libala la fulai. Ha Ni sa yo fita fela kwani, se bali, “Fulai ya nomolo 196 ya Louisville, Kentucky, cwale ya funduka.” Mulimu na bulukile fulai yani yali kuina fafasi bakeñisa na, ona cwalo. Oh, Na lumela!

186 Mwendu lilimo zepeli kuzwa fani, Ne ni sweli ku zamaya ni sitima, ne ni ya kwa Arizona, kwa mukopano wa Muzwale Sharrit, kwani mwa mukopano. Mi kacwalo Ne ni lukela kuya ni Muzwale Moore ni babañwi. Mi kacwalo ha Ni yo fita kwani, Na yo tuluka kwani kwa Memphis. Mi sitima sa funduka, haiba mwa ziba mo si matelanga ha si libile kwa wiko cwalo, mi kipeto sa lila ni ku tima.

187 Mi cwale mañende mwa sitima ani, ba bata mali akuma fa ma centi a mashumi a silezi. Mi Ni kona ku a leka ka teni, ma centi a fiftini, mwa ziba, kwande mwa sibaka sesiñwi. Mi Na libelela fela kufitela sitima si yema, ku li ni leke mañende amañwi. Ne ni ya kwa kuitekela- . . . saka yetezi mañende, mi mane ni kuba ni tabo mwani. Kacwalo Na tulela fande ni kumata kapili, kuli ni yo itekela liñende kwa sintolo; na talima kwa ni kwa, ne si ka yema fani ka mizuzu ye mashumi amalalu.

188 Mi kacwalo Na—Na kala kuya ku yo itekela mañende, mi Na utwa mutu ya bulela kuli, “Lumela, foo, Parson!” Mi Na talima kafa ni kafa, kuwani nyana ye fubelu, ali kuyema fani inza kobya meto, mwa ziba, ali, “Ha u ni zibi, nji wa ni ziba?”

“Ha ni lumeli kuli Na ku ziba, mushimani.”

Taha kwanu, ali, “Aku ni talimise hande!”

Mi se Nili, “Eehe?” Se nili, “Ha ni sepi kuli Na ku ziba.”

Ki hali, “Na na ku ziba!” Ali, “Ki wena Parson Branham!”

Mi se Nili, “Eehe, yeo ki niti.” Se nili, “U kile waba ku yeñwi ya mikopano yaka?”

Ali, “Batili, sha!” Ali, “Wa hupula kakusasana wani ha utaha kwa ndu mi boma ne ba w- . . .?”

“Oh!” Se nili, “Ha ki wena!”

Ali, “Eeni, ki Na! Eeni, ki Na!” Ki hali, “Parson,” ali, “Ni folile, ni iketile, mane ni tiile. Mi ha ki seo fela, kono se Nili Mukreste cwale!”

189 Kulumbwe Mulena! Oh!

Ne ba kopanezi mwa ndu ya fa halimu,  
 Kaufela inge ba lapela ka Libizo la Hae,  
 Ne ba kolobelizwe ka Moya o Kenile,  
 Mi mata a sebelezo a taha;  
 Cwale sa Na ba ezelize ka zazi lani  
 U ka ku ezeza sona, (Ha mu si ka taba nji?)  
 Ni tabile hahulu kuli Ni kona kubulela kuli Ni  
 alimuñwi wa bona.



Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!  
 Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

Ha bana tuto yetuna ni lika zeñwi:

Kacwalo sicaba se ha si si ka ituta,  
 Kamba ku ikuhumusa ka libubo la lifasi,  
 Kaufela bona ba amuhezi Pentekota ya bona,  
 Bakolobelizwe ka Libizo la Hae;  
 Mi basweli kukandeka cwale, kwahule ni kwa  
 hule-hule,  
 Mata a hae asali a swana,  
 Ni tabile hahulu kuli Ni kona kubulela kuli Ni  
 alimuñwi wa bona.

Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!  
 Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

Taha, muzwale waka, ubate mbuyoti ye  
 Ka kenisa pilu ya hao kwa sibi,  
 I ka kalisa kuliza milangu  
 Mi ibeye moyo wa hao mwa mulilo;  
 Oh, wa cisa cwale mwa pilu yaka,  
 Oh, kanya kwa Libizo la Hae,  
 Ni tabile hahulu kuli Ni . . .

Cwale ha mu swalane mwa mazoho ni ya inzi kwa pata, kwa  
 mulaho, ni kwa matuko:

Oh, alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!  
 Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

Alimuñwi wa bona, alimuñwi wa bona,  
 Ni tabile hahulu . . . ? . . .  
 . . . alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

Ni alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!

Alimuñwi wa bona, alimuñwi wa bona,  
Ni tabile hahulu kuli Ni kona kubulela kuli Ni  
alimuñwi wa bona.

<sup>190</sup> Bulapeli bwa kale bo ki nto mañi? Ne li kalezi kwa mulaho  
*kwanu*, mi busweli kutaha mwa Mali a Jesu Kreste. Oh, mawi!  
Oh, ha ki tabo ni yeo ye Ni nani mwa Evangeli! Oh! Oh, eeni, sha!

I sweli kulota mali, eeni, isweli kulota mali,  
Evangeli ya Moya o Kenile ye isweli kulota  
mali,  
Mali a balutiwa (babulaiwa, kaufela cwalo),  
baba shwezi Niti,  
Evangeli ya Moya o Kenile ye ilota mali.

Cwale, Ki Evangeli ya mufuta mañi? Sina mo ne I kalezi kwa  
Pentekota, mwabona.

Wapili kushwela mulelo wa Moya o Kenile wo,  
Neli Joani Mukolobezi (Mwabona, a amuhela,  
mwa mba ya mahe, mwa ziba.) . . . ashwa sina  
mutu;  
Mi kwa taha Mulena Jesu, ba Mu kokotela,  
A kutaza kuli Moya uka pilisa batu kwa sibi.

Isa lota mali, eeni, i lota mali,  
Evangeli ya Moya o Kenile ye ilota mali,  
Mali a balutiwa ba ba shwezi Niti,  
Evangeli ya Moya o Kenile ye isa lota mali.

Ha mukoni ku I onga onga! Huh-uh!

Kuna ni Pitrosi ni Paulusi, ni Joani musinuli,  
Ba fa bupilo bwa bona kuli Evangeli ye ibenye;  
Ba zwakanisa mali a bona, ni bapolofota ba  
kale,  
Ili kuli Linzwi la Mulimu li bulelwe ka niti.

I sa lota mali, eeni, isa lota mali,  
Evangeli ya Moya o Kenile ye isa lota mali,  
Mali a balutiwa ba ba shwezi Niti,  
Evangeli ya Moya o Kenile ye isa lota mali.

Nekuna ni myoyo mwatasa a aletare, ye lila  
kuli, “Ki lili?”  
Kuli Mulena a fe koto baba ezize bumaswe;  
Kono ku kaba babañata baba kafa mali a  
bupilo bwa bona  
Kwa Evangeli ya Moya o Kenile ye ni munda  
wa mali ayona a kenisa.

I sa lota mali, eeni, i sa lota mali,  
Evangeli ya Moya o Kenile ye isa lota mali,  
Mali a balutiwa ba bashwezi Niti,  
Evangeli ya Moya o Kenile ye isa lota mali.

<sup>191</sup> Cwale, kuzwa ka nako ya Pentekota, ni babulaiwa ba Pentekota, kwa keleke ya Efese kwani, kutaha mwa Pergamosi, kutaha mwa Tiyatira, kukena mwa—ku lwa Sardisi, mwa Efese. . . kamba kwa Filadelfia, mane ni ku shetumuka cwalo ku lwa Laodesia. Mi cwale se lu. . . se si ezahalile kwanu? Sina Bibeledi ha ibulezi, lika kaufela litile mwateni, mi sibatana se si ka zuha mwa United States.

<sup>192</sup> Mwa hupula pono ye ne balilwe kwanu, 1933? Ne ni ya. . . Keleke mane ne i si ka yahiwa kale. Ne ni sa zibi kuli pono kinto mañi, ne ni ibiza “tolo ya musihali.” Ne nili fela mukutazi yomunyinyani wa Baptist, mi ne luli. . .

<sup>193</sup> Bupilo bwaka kaufela Ni boni lipono zani, mi Ni ka kupa kuli mutu kaufela ayeme abulele haiba iliñwi ya zona ikile ya palelwa fateni. Batili, kwali kuba! Ha ikoni! Mwabona? Ha ina kupalelwa!

<sup>194</sup> Mi cwale, ni ha Ni kalisa sikolo sa la Sunda Na kena mwa tolo ya musihali. Ne luna ni yona kwanu kwa ndu ya kale ya Masonic, sibaka sa Charlie Kern, sikwata nyana sa luna. Mi Na bona Mueteleli wa naha yo Roosevelt ha kenya lifasi mwa ndwa ya lifasi. Na nuha! Se nili, “Mi kuna ni tutengo totulalu: ba Nazi, ni ba Fascism, ni Communism.” Se nili. . . (Ki ba bakai mo ba bahupula cwalo?) Na li, “Mu ise meto a mina ku ba Communism, kaufela zona li ka felela mwahali.” Se nili, “Ethiopia, Mussolini u kaya kwa Ethiopia, kono u ka palelwa.” Mi se Nili, “Lu ka kena mwa ndwa ni Germany, kono” Se nili “Germany ika beiwa mwahali, mwa sikwata sesituna sa swalisano.” Myaha ye ilebene ku sika yahiwa kale Maginot Line, myaha ye ilebene.

<sup>195</sup> Se nili, “Mi kasamulaho wa ndwa. . . Lu ka ikoma kwa mafelelezo. Mi kasamulaho wa kufela kwa ndwa, ku ka to ezahala kuli sayansi ika kala kupanga lika zetuna.” Mi se Nili, “Ha ba ka eza, baka panga mota, mi limota li ka tundamena kubupiwa ka mukwa o cwalo.” (Mwa ziba mo ne li bonahalenga ka '33.) Cwale linako zani, nali, “Li kaba inge mai, kubonahala inge mai. Kakuli ne Ni boni fa mukwakwa, mukwakwa o mutuna luli wa limota, mota ye ne ya mwa mukwakwa inge isina mukoboco ni o mukana mwahali. Ne i zamaiswa ka mata.” Bana ni yona cwale.

<sup>196</sup> Se nili, “Ka nako yeo. . . Cwale ba sweli ku lumeleza basali kukena mwa liketisa; mi basali, mwa liketisa, mafelelezo ba ka. . .” Se nili, “Naha ye ki naha ya musali, i filwe nombolo ya musali. Ki musali ya taha cwalo mwahala sipolofita, kai ni kai; mi nombolo ya bu setini kai ni kai imwa sipolofita.” Mi se Nili, “Ki naha ya musali, una ni litukelo za hae mo. Mi uka li sinyi, ki yena musinyi wa lifasi.”

<sup>197</sup> (Mi, Roy, Ni na ni mañolo a hao ku seo, yena musali muhulu yani. . . “Taba kaufela ya bubulai. . . Lubile. . . Ne ni ka imonyeha ka X-ray cwale ku to fita kwa: mulatu kaufela wa

bubulai o kile wa eziwa fateni mwa United States, musali nali kwa mulaho wa ona.” Yeo luli ki niti. Bao ki basali ba matanya, mwa bona, ni lika ze cwalo.)

198 Cwale, kacwalo he se Nili, “Ku kaba mwa nako yani, ka nako yani basali ba ka lumenezwa ku keta mwa liketisa, mi ba ka keta mutu ya maswe.” Ba li ezize mwa liketisa ze felile zee. Yeo ki niti. “Ze ka kalisa kutiya ko ku tuna. Ka yona nako yeo li ka ezahala kuli—kuli ku kaba musali yomutuna ya ka zuha mwa United States, u ka apala hande ka bukwala,” mi Na beya mwa tukwahela: “(mwendi ki keleke ya Katolika).” Mwabona? “Ya ka nga buzamaisi ka mata, ahatelele mata a mwa United States. U kaba yomunde ha talimwa, kono ukaba ni pilu seta ka mwa kona kubela.”

199 Se nili, “Mi Na talima hape, mi Na bona United States ya to lubiwa fela mwa liemba emba. Nekusina sika se ne si siyezi.”

200 Mi se Ni nuha ka nako yani. “Cwale se, sani neli kuli KISONA SA BULELA MULENA.”

201 Mi munahane! Ze ketalizoho za kunuha kwani, se li ezahalile kale.

202 Keleke ingile mayemo, ki keleke ya Katolika. Ni kutaha kwa nako ya maungulo.

203 Mi se Nili, “Ni boni, ne ku bonahala inge bi shingwa bye bi tuka mulilo; macwe, a pacanka; mi United States kaufela ya bonahala fela mukungulu, inge inzi fela ona cwalo, kuya ka mo ne Ni bonela fo ne Ni yemi.”

204 Mi se Nili, “Na nuha, kuya ka nako mo i zamaela, ikaba mwahala mwaha o li mwahala’33 ni ’77.” Mi ikaba tata kufita mwa linako zeo.

205 Mi lu yemi fa musili wa mukokolombwa, balikani. Lika kaufela li lukile.

206 Oh, kono Ndata luna yomunde yakwa Lihalimu ya Na sepisize, Yana sepisize! Kana ha ki nto yende kuba mutanga wa Kreste? Lika kaufela za Na sepisize! Ni kunahana; luna ni lithonolo. U sweli kupila mwahali mo. Yena una ni luna ka yona nako ye cwale, u ziba kunutu kaufela ya pilu kaufela, wa ziba kaufela za mina; mililo yani inge ikena mwa lipilu za luna, u ziba kaufela za luna, wa lu lata.

207 Mi kana ha mu si ka taba kuba mwa sikwata nyana sani, busihu boo, se si buluka Tumelo? Kakuli ne li taelo ya Hae, “U si sabi, mutapi o munyinyani, ki tato yende ya Ndata Mina ku mifa Mubuso. Mi mbesi kuli musebezi wo upumehezi fahali, ne ku sike kwaba nama ye ne ka piliswa.” Mwabona, lu kwa nako ya maungulo.

208 Mapentekota ba fetuha baba batile, ba enya fela, ba kwile mwa mulomo wa Mulimu.

209 Ki sikwata nyana sa batu se si bizizwe kwanu, ba ba likani fela, kono ona mwani ku ka taha: “Amubone, Munyali ki yo ufitile!” Mi ha ku kaba cwalo, yeñwi ni yeñwi ya mitonelo yee, mitonelo ifi ni ifi ya mitonelo yee, kwa. . . Muhupule, kuna ni mitonelo ye sebene ya yona. Mi se luli mwa mutonelo wa mafelelezo *wo*. Kono mañi ni mañi kaufela wa basizana bani kwa mulaho *kwani* a zuha. Amen! Oh, ki sikamañi seo? Ki Moya o Kenile o swana.

210 Mi cwale keleke ha se ikeni mwa. . . Inge mo ne lungezi busihu la Sunda, Josefa kuli aitibahaze kwa Isilaele, bahulwani ba hae, a lukulula munyaliwa wa hae, lika kaufela, mi aba luma kukena ma muleneñi. Mi yena a siyala anosi ni Majuda, mi ali, “Kina Josefa, munyana mina.”

211 Mu li beye hande mwa Mañolo ko ba bulezi kuli ba ka toma lizazi la malilo, mi ndu ni ndu ika silisa za yona.

212 Se bali, “Ki kai ko U ngile mañiba ao?”

Ali, “Mwa mazoho a. . .”

“Mwa mazoho a Hao?”

Ali, “Mwa ndu ya balikani ba Ka.”

213 “Bene ba Mu tabile ba ka Mu talimela.” Mi ki Yani inza yemi fani, inge Josefa.

214 Ki hali, “Musike. . .” Sina Josefa mwa na bulelezi, “Musike mwa ikutwa bumaswe, kakuli Mulimu u ezize cwalo kuli a babalele bupilo.” Sikamañi? Bupilo bwa Keleke, Munyaliwa, “Ka bakala Libizo la Hae, sicaba sa mwahala Bamacaba.”

215 Oh, lu kwa maungulo, mizwale bahesu. Ki luna ba fa! Kufuyolwe Libizo la Mulena! Ha lu opeleñi pina yende ya kale ye, sina mizwale ya pentekota ni likezelil, hamoho. Cwale, mu li, “Kihande, Ni wa Baptist.” Kono haiba u na ni Mbuyoti ya Pentekota, u mu pentekota. Uh-hum. Ku lukile. Ku lukile:

Ube o fuyozwi muhala otama  
Lipilu za luna ka lilato la Sikreste;  
Kutwano ya minahano ye swana  
Iswana sina ya kwa halimu.

216 Cwale ha mu teeze, balikani. Haiba kuna ni yomuñwi mo mwahala luna, kuli haiba kai kaufela mwahala musipili wa bupilo, kuli nyoko ye likani ikeni mwa pilu ya hao, (Mu ni utwe!) izuse mwateni ona fa. Zwisa zeo, u si ke wa lumeleza sika. . .

[Kezeli ubulela ka lulimi lusili. Hakuna manzwi fa tepu. Muzwale u fa liñusa—Mu.]

Amen.

[Muzwale ubulela ka lulimi lusili mi wa toloka—Mu.]

Amen. Amen.

217 Mulena Jesu, lwa itumela kuk Wena ka mañusa aa. A lu shelaunkisa, Mulena ka kuziba kuli ha lu si ka pata sika kono lu bulukile tumelo. Oh, Na lapela, Mulimu, kuli Moya u zwelepili kuina mwa keleke. Lu beye bukaufi ku mutu ni mutu, Ndate. Lu beye ni Wena. Mi u zamaye mwahala luna, Mulena, mwa lusika lwa kandela ya mafelelezo ye lupila ku yona. Ba Liseli la luna. Benya cwalo fahalimwa luna, ona mwa linako za lififi tuna ze, Mulena, kakuli lu lemuha kuli *makandela* ni *linaleli* li bulela ka za “lififi.” Mi Mulena, lu tabile kuli lu bana ba Liseli, lu zamaya mwa Liseli la Mulimu. Ha lu si ka tamwa ka lika za lifasi, kono lu bana ba Hao. Mo lu itumela ku Wena ka lika zee.

218 Lu itumela ku Wena ka ku luma mañusa aa kuba bupaki bwa Linzwi la Hao. Wena ube ya kutekiwa kamita mwahala luna, Ndate. A Ku lu buluke kuzwa kwa buhali bwa nyoko kaufela ya lifasi. Lu beye baba kenile, kuli bupilo bwa luna bu be bo bu kateleha mi bo petehile ni bo bu kenile fapila Hao. Tuhela kuil Mali a Jesu Kreste aeze se ku mañi ni mañi wa luna, Mulena. Zwiswa mwahala luna, haiba kuna ni sika kaufela se si si ka luka mwahala luna. Si zwise ku luna, Mulena. Ye kona hola ya kutatuba linako.

219 Mikopano ye ilukiselizwe ona mulelo wa kutatuba lipilu za luna. U bulezi kuli malimi a mulilo a meto a Hao, “a tatuba ni kuziba liteka ni lipilu.” Wena kaniti wa ziba, Ndate. Mi u bulele ku luna ni ku lu bulelela kueza . . . ku ipuluka ka buitukiso kuli hola i sutelezi.

220 Oh, mo lu itumela ku Wena ka se, Ndate. Lu ka eza zeo kaufela ka zeli ku luna kaufela ka sishemo sa Hao. Amen.


221 Oh, kana ha mu Mu lati nji? Cwale, haiba kuna ni mueti mwahala luna, kona mo ne kuinezi kwa simuluhu. Jesu ha na li fa lifasi faa, Na bulezi kuli, mutu akile a Mu buza ka za linyalo ni telekano kamba nto yeñwi, Ki hali, “Ne ku si cwalo kuzwa kwa simuluhu.” Luna ni ku kuta kwa simuluhu.

222 Mi haiba kwa simuluhu neli keleke ya Pentekota mi Yena ki Kota, luna lu mitai, nako kaufela yeo Nako yani ikala kushoshela keleke, ikaba keleke ya Pentekota, mutai wa Pentekota; nto yeswana ye neli kwa simuluhu (Mwabona?), nako kaufela. Cwale, mwakona ku comeka kwateni likota zeñwi ku yona ni ika beya miselo ya yona. Mwa kona kunga o—o kota ya olonji ni kubeya mwateni ya lemune, ika beya ma lemune inge ipila ka bupilo bwa olonji. Mubeye muselo sisansa sa gilepu kwa tuko ni yona, uka beya muselo wa litolwana ze ciwa.

223 Kacwalo likopano zee, likopano ni lika zeñwi, ze comekilwe mwateni, ze ipiza Bakreste, za kona kupila ka bupilo bwa Sikreste. Yeo luli ki niti, kono ba ka beya miselo ya likopano. Yeo ki niti. Kakuli ba kakatezi fela ka kucomekiwa kwateni fela ona cwalo. Kono haiba muselo wani uka beya . . . kamba haiba Kota yani ika beya mutai omunca, ikaba . . . uka ñola Buka ya Likezo

mwa mulaho wa yona. Yeo luli ki niti. Kakuli seo kona sene si ezahalile ka nako yapili. Mutai kaufela o ika beya uka beya ma olonji, ufi kaufela. Mi Bibeke ibulezi; neina ni mitai ye twelufu ku yona.

<sup>224</sup> Oh, Ni tabile hahulu ka kupila mwatasa mutai woo, mina bo? Eeni, sha. Oh, kinto yende.

<sup>225</sup> Ku lukile, muhupule kamuso busihu cwale fa lusika lwa Filad-...lwa Sardisi. Ki...?...kutaha kwa kopano ya ba Lutheran, Martin Luther...?... 

*LUSIKA LWA KELEKE YA TIYATIRA* LOZ60-1208

(The Thyatirean Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Bune manzibwana, Ñulule 8, 1960, ili fa Branham Tabernacle, mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)